



QAFAR AFIH BARITTOK FEDERAAL CADDOL MASSOOWE 9^{tô} FOOTIMAK

BARTEENI KITAABA

BICISSEM:-

AMIIN MACAMMAD ACMAD (MA)

QABDALLA IGACLE BORRI (MA)

MAYSARAARACA ABTEM:

Sirraaj Nuur Qali (MA) (Language Editor)

Saalic Ibraahim Qali (MA) (Content Editor)

Abubakar Macammad (MA) (Curriculum Editor)

MIIC BICA ABTEM:

Ibraahim Qabdalla Cuseen (Msc)

AYKABAB ABTEM:

Adam Qali Kabbo ((Msc)



**ITIIYOPPIYAK FEDERAAL
DEMOKRAASIYOH RIPAPLIKIK BARITTÔ
MALAAKA**



HAWASÂ JAAMIQATA

Qemboh addah yintibiqqimeh yan Qafar afak Federaal caddol,2014 I.L.L Itiyoppiyak demokraasiyyoh Ripaplikik barittô malaakak amôladih barittô maxxatih maysaasah taddiiray (GEQIP-E)Qaalam banki qokoluuy, Ingiliizik baad caddoh daddoosih exxaay,awqenta qoklaanamata gaba yessegelleeniih, “Common wealth and Development Office/FCDO, Finlanxik irô caagiidah malaakaay, Royaal norwey Embaasiy, Tengele qaalam dowaalak alaaqâ fanxi. /UNICEF), Baadak barittô qokolih massoyina (**Global Partnership for Education**) (**GPE**), kee Diini markik irô caagiidah ministerih xaquuk mango marih gabat aglee kee maali qokolul tekke.

© **2014 I.L.L.** Itiyoppiyak Federaal Demokraasiyyoh Repaplikik barittô malaaka. Inkih yan gar kak gaanuunut daccarsima. Orbisek misinkacâ gar kaah dagrumeh. Ta bartiyyaa kee barsiyyi kitab naharal barittô malaakak yaktubeenimih idini wanna hinnay, idini amcowwe wayya heek faxeqaynatal, axcih elektirooniksiiy, mekaanikaalah, magneetik, foto koppiiy, yasiggileenimiiy, wanna hinnay yatbiqeeniih yayyaaqeenim wonnay, sinaamah mataban. Itiyoppiyak Federaal Demokraasiyyoh Repaplikik Nagaarit majallatak kukti ixximak 410/2004 – Qulim gar kee cuggaanê garwah dacayri.

Barittô malaak ta bartiyyi kitab yatbiqoonuh saanih takkuh, derrek qokoleh, gabat agle edde haysiteh yan mango maritteey, hortitte kee gersi dagortih gadda gacisna. Hawaasâ Jaamiqataay, Axxis Ababah Jaamiqataay, Bahraxaar Jaamiqat kee Jimmâ Jaamiqatalluk cattii mak ta kitaabih gulgulussooo kee bicah abeenih yanin fayya le doorih kulsa gadda keenih gacisna.

Qulim gar kak dacarsimeh yan mansoofa lewannah idinik ugutak manfaqatal aselon. Qulim gar akah dacarsimeh yan caagid galab akak xageween caagid wanna hinnay, galab akak xagaanam faxxiimewaak edde yaabeenih yanin caagidih leewanna tekkeenik, sin maganak barittô malaakak leenâ maktab arat kilo (P.O.Box 1367) Axxis Ababa, Itiyoppiya.

Matbaqat abtem:

XXXXXXXX PRINTING

P.O.Box XXXXXX

XXXXXXXX, ETHIOPIA

Under Ministry of Education Contract no. XXXXXXXXXXXXX

ISBN: XXXXXXXXXXXXXXXXX

CUTTUUKUSSO

Addatino	Galitte
CUTTUUKUSSO	i
CULMÁ	ii
KITAB AMMUNTITTEH GULGULUSSO	v
INIKHAYTÔ MAFDAGA	1
1. Xaagu	1
NAMMEYHAYTÔ MAFDAGA	12
SIDOCHAYTÔ MAFDAGA	27
3. Mangaafâ retteema	27
FEREYHAYTÔ MAFDAGA.....	40
4. Koovid-19 dalkaa kee kay astooti	40
KONOHAYTÔ MAFDAGA	56
5. Tasgalle barittó.....	56
LECEYHAYTÔ MAFDAGA.....	68
6. Garbô tuxxiq kee hawâ milaagu.....	68
MALCINHAYTÔ MAFDAGA.....	75
7. Inkittiinot Amo Le Mangantina	75
BACARHAYTÔ MAFDAGA.....	84
8. Qisô baritto.....	84
SAGALHAYTÔ MAFDAGA	99
9. Baaxô Kacanu	99
TABANHAYTÔ MAFDAGA.....	108
10. Qadrortí Celsiisenta.....	108

Qafár afak sagal haytoh footimak bartenit kitaaba

CULMÁ

Itiyobbiya 80 aak daga takke afittet elle yaaban agat kee agattiinah ayyuntaa kee ummattah baaxo. Ta agat kee agattiinaa kee ummattah afittek mango gaba le wanoh addal taamaa kee tû barittoh afah haysitak edde xoqoysimak geytiman. Inki inki rakaakayittel 1-4 haytô footima fan tû baritto inah afat akkuk geytimta. Tonnaah, 1-8haytô fooima fan inah afat elle barsan rakaakayitte kaadu tanih. Tah taybulleem agat kee agattiinah ayyuntaa kee ummattah afitte dadalal bisoh axcuk temeeteh tanim kinnuk, inah afat bartaanaah, taamitaanamih fayxi agat caddol udduruuk uddurul ossimak temeeteh tanim taybulle. Toh tonnal anuk agatak barittô daddoosih ikraaroy 6haytoh addah faaticiseenihyyal federal afittey baaxô caddol edde bartoonu waana dooreenih yaniinim tamixxigeh. Ta federal afittey agat caddol edde bartoonuh dooreenihyyak Qafar-af, afak teyna kinnuk dooren rakaakayittel nammey haytoh afih caddol edde bartoonuwaanah yaniinim kinni. Ta federal afittey doorenit inah afih barittoh xaqut barteynit nammey haytoh afah bartaanam mango tuxxiq le. Ta tuxxiqik amo gexxaamat yabnek fiiruk agat kee agattiinah ayyuntaa kee ummattootik siitalluk aalliyyi gexsit edde maqarroowa. Toh innah nan waqdi af qaadâ baxa kinnuk af akak barten ayyuntak qaadâ nihirittee kee xintok maacisso maceeloo kee weelo lem bartah yan qunxa mari edde bartam xiqqa. Federaal afiitteh baritto itiyobbiyak barittô buxaaxil akah barsaanamak naharsi hadaf baxaabaxsa le qaadah iraawok yamaateh yan barteyniitik gariiy garim keenik akah bartanna kee angaaraw kee fantaaxaw keenik maqarroowâ gid kinni.toh kaadu barteynit gersi agat kee agattiinah ayyuntih qaadaay, af kee nihiritte akah bartan innah ken tanfiqeh tanim kinni. gersi marih af yaaxigeenihi, gersi marak qaadaa kee xintok maacisso yaaxigeenim ummattak xaynaa kee meqe angaaraw gintu xiqtaama. Edde nan qasri angaaraw kee meqe fantaaxaw ummattâ fanal edde ginoonuh ni baaxô caddol takku, baad caddol mango macal edde akkuk geytimah yan wakti kinnim tamixxigeh. Tohuk amakkaq, agat kee agattiinah ayyuntaa kee ummattah xaylok gariiy garim

Qafár afak sagal haytoh footimak barteenit kitaaba

bartam kaadu itiyobbayah ummattak malaa kee makko tasgalleeh, sittâ luk aalliyya dadlissam kinnuk toh aracet hoonuh ta dooren afitte inkih yan agatak tû barittô buxaaxil barsaanam faxxiimak maacisseh tanim kinni. Gersi gambik kaadu inah afih xaqut nammey haytoh af bartaanam barteyniitik angaaraw dudda gablussam kinni. baad caddol 6000 daga takkeh tan afitte tanih tan waqdi mango marii kaadu nammah-sidiicaafah yaabaanamih xiqto leh yanim kinni. nammah-sidiica af yaaxigeenim, namma gali le kimbiroytih gide. Seehadak duddi angaaraw duddi keenik akkinnaanah gide kinnuk faxe angaarawak rakiibo kaadu afa. Barteynit federal afitte barittam kaadu mangoomuh ken tanfaqu dudda. Taamâ saami keenih edde fakkiimaah, tonnaah agat kee agattiinah ayyuntaa kee ummattak diiniy, qaadaa kee aydaadu inkih edde bartaanamih saami lon. Toh kaadu agat kee agattiinah ayyuntaa kee ummtak sittalluk aalliyyaa kee fantaaxaw maqarrossam kinnuk sittin kakanuuy, ossobbaa kee meqem kaban leh tan hora baaxo nagrisoonuh kaxxa tuxxiq leh tanim kinni. Ta tummabul kee fayxik ugut abak Qafar –af federal afittek afak teyna yekkeh yaniimik amakkaquk agatak dooren rakaakayittel elle bartoonuh/barsoonuh, ta 9haytô footimak barteynit kitab kee barseynit kitab Qafar-afat massooweh yanim kinni.

Afti barittok amolladi hadaf barteyniitik ankacsuuy, yaabaay, kawsaa kee kutbê dudda gablusaanama. Ta hadafitte barittô siiratal qaduuk daffeyteh tanim kinnuk ta hadaf arac xaguh ta kitaabih addal kaadu ta exxaaxih nagay yan hangi yomcowweeh yanim kinni. ta federal afitteh tewqeh tan barittoh ikraaroo kee barsoonuh xayyowteh tan barittoh ammuntitte siita celtaamak amakkaquk akitaabih massos yekkeh yan waqdi qafar-af aki afitte lih yangalem kee caglitah yanim cubbit haak tonnaah, xayyowteh tan barittoh ammuntitte Qafar manoo kee qafarak xintok maacisso elle tayballu xiqta gurrall massoysak xayyosneh nanim kinni. Amo gexaak ta 9haytô footimak Qafar-afih barittoh kitab akah massoowem Qafar-afal af fake barteynit hinnay Qafar-af nammeyhaytoh afah barituwaa barteynit kinni. Toh cubbit haak kitab addal xayyooweh yan kawsaa kee elle

Qafár afak sagal haytoh footimak bartenit kitaaba

barittoota ken caddol elle yafhimoonu xiqan gurral sahhaloysaanamih gabbati yekkeh. Toh kaadu Qafar-af nammeyhaytoh afah bartah yan barteynit tanfiqem kinnuk Qafar kinnaanee, Qafarak Qaadaa kee xintok maacisso currik tan afqadot bartaanamih saami farakka keenih haytam kinni. Kawsittee kee addâ fakootittey xayyowte barteynit elle hirigtah tan innal haak elle barittoota kaadu gabah assagolla akah taalleh tan innih gabbati yekkeh. Kulli mafdagak ellacabol lafa le ximmooma sekkaacisak xayyosneh nanim kee barteynit kulli mafdagal xayyowteh tan barittok magid takkem raaqiseenim sinnik elle waktaanah yanin ixsigah axmaqih cibtitte xayyowteh tanim kinni. Tohuk amakkaqum a kitab baritto faxxah tan gital kattaatoonuu kee barittok hadaf cedoounuh xiqsiisah iyyaanamih kibal yan.

Gersi gambik barittô kitooba unkuttubuteh taamal asseek lakal qakuk kulsa kak agaaradaanamih sabbatah waktiik waktil yasqussubeenih. Ta kitaabat xoqoysimtah tan barseyniitiiy, barteynit kee baxaabaxsa le tû barittô mihratleela taceeh tan tummabul hirgennom qaddosna.

Qafár afak sagal haytoh footimak bartenit kitaaba

KITAB AMMUNTITTEH GULGULUSSO

Akitab amolladih tabna (10) mafdagak xissiima. Ta tabna mafdagak addat kulli mafdaga isih is xiqta afti duddih exxaaxii kee afti barittoh exxaaxi le. Afti duudih exxaaxii akak innam fareey takke afti duddih exxaaxi.

Tohum: - Ankacsaay, yaabaay, kawsaa kee aktubiyya kinni. Ta exxaaaxi faxe waqdi afti duddok yalleenim faxxinta exxaaxi kinniimih taagah kulli qasiiril isih is xiqak xayyowteh tan.

Tonnah kaadu afti barittoh caddol qangor- wag kee yabti rakiibok exxaaxi edde haak xayyowteh tan. Tonna kinnuuk akitab sagal haytoh footimah bartenit elle faxxinta innal barittaay sekkaacissa hayteh a exxaaxi inkih akak cedaanam faxxinta.

INIKHAYTÔ MAFDAGA

1. Xaagu

**Mafdagak hadafitte: - barteeyniitow a maafdaga baritteeniik
gamadal:**

- Xaagi maca kinnim warsetton.
- Xaagi tabaatabsi elle yakke gurra ascassetton.
- Xaaguk tuxxiq yaabetton.
- Xaaguk numma elle yasmiten inna warsetton.
- Xaagi addat leh yan caddii kee konnabna, iyyi madoori lem cedetton.
- Qangor dubuk yan waqdii kee maxcoh addat cula waqdi leh yan afeyti baxsa aaxigetton.
- Qangoorut hununuh yan afeyti figda abtoonuu aaxigetton.
- Kutbeh xayyooweh yan yaabak lafa lem kassiisental elle tabbixoonu xiqtan cogda bartetton.
- Kutbeh xayyooweh yan yab tikriyeenik gamadal aliilih gabbaqtaanam duudetton.
- Tunkuttubeh tan maxcooca sinni maxcoocat korisak yaktubeenim abetton.

1.1. Inikhaytoh exxa: - kawsa

Sin kabir footimah addal siinih kawisuwaah yan xaagi tabaatabsu itta kutbeytaak amaakkaq a ciggilta esseroora gacisa.

1. Ankacisseenih taniinimik lafa le ximmooma kassiisental kutbeh ibbixa.
2. Nammay nammayah gacteeniik gamadal tibbixeenih tanin kassiisental rakuh gacak kutebek farmo sinnih elle taaxigen innal fiirisseeniikgamadal numuuy numuh siinik gabbaaqay.
 - A. kiryaatik ceddeenim sinni qangoorut uktubay uybulluya.
 - B. Camad kee Qalii maca siitah takkeeh?
 - C. Usun siitat tabseenim mannah yan oytiiy
 - D. Qalii “Walqin sagá” iyyeh akah itritem macaay?
 - E. Camad maca kaal gacseeh?

1.2. Nammeyhaytoh exxa: - yaaba

Butta buttah gacak ahaak gubal xayyowteh tan esserooral walalteeniik lakal walalak edde cabteenim footimah addal sinni kataysiisih gabbaaqa.

1. Xaagi Qafar tanim yan elle iyyaanam mannaay?
2. Xaagi Qafarak manot axawah yan iyyan waqdi maca iyyaanamaay?

Kiryaati naharih esseroora

I. Sin kabir siinih elle warsah yan innal buttah gacak ciggiltah tan esserooral walala.

1. Xaagu akak iyyaanam macaay?
2. Xaagi ayyuntiinô manoh addal leh yan tuxxiq macaay?

I. Walalal edde cabteenim buttâ saqalih gambiik, footimah addal sinni kataysiisih xayyoysa.



Miic, 1.1. xaaguh daffee namma furraynu

baadal xaagí dabaana akak iyyaanam 20haytô boolih karmay naamok warrayteh iyya kinni. takkay ikkah Qafar addal xaagi Qafar tanim yan. Qafarak xaagi manot axawah taniimi. Saqat dacarih garbo dacre num woo dacarik buxah orba waqdi buxal raaqe maralluk xaagul yangale. Gita yemeete qibnayti leek maaqok naharal elle yemeeteh yan buxah maralluk xaagul yangale. Qafar ayyuntih addal xaagi oytik maqar le exxa. Xer rikeyy, xayikke tekkeh maacissem sissik gurral ayyunti elle geyam xaagi tabaatabsu. Edde nan qasri xaagi tabaatabsi giffi iyya caddo gufeh yanim ta saaku inkih yan baad inki mandarih weelot heeh maacisem tambulle. Xaagu kinnuk usuk kaadu isi caddii kee konnabnay kaadu kaa elle abaanah iyya le.

Buxalí yemeete qibnaytuk abaah, Bar nabanum kaadu qunxa numuk aba. gití garayse mara tekkek sissikuk siitak abanway sittal madardaran. Yisissikeenik soolak kah siitak abaanaah, yiqilseenik kaah daffeyaanah. namma num mariiy Kabul gexak gital tongoorowek numuuy numut akak yemeete kabih xaagu keenik tabsa.

Xaagi tabaatabsi boorah ixigah waam mali. Siita aaxige waanamah xaagu siitak abaanam qafar addal qaadah tan. Qafar mano kak dacarsittol kulsi mara kinnuk baaxook baaxo rob elle radinnaan baaxo saqdulsan. Woo saqih duli xaagu abekal

miyakka. Rob elle radem anke kinnim, mannah yan rado abem, saqi maca elle xagam, giti wadbak maca lem xaagoysan. Qafar, xaagu is kee isi ikoytah amaan dacrissuh goobuh le. Mariiy marak xaagu abaah, kah xiineneenih maacisen inna xaagul siitak yaabbeeni, xaagul siitat tabsan. Tonnaah baaxol yan caalat xaagul yaabbeeni, xaagul siitat tabsan. Xaagul faxe qaynatih oytiiy takkay siitatat tabsaanam tambullee. Xaagi bura mali akah iyyanam wuhu. Xaagi bursutaanam malikkal usuk digga faxa. Tonnaah kibne lem faxximta. Ceelalloh hebli barra xalte iyyeenik xalteh tan barrá(ullá) mawaqdi xaltem, mannah raqtem, xaltem sayik/labim kee tonnaah, mamigaq akah abeenimih xaagu edde yaceenim faxximta. Tahak tu kibbiime wayteeh tu kak tunkusek xaagi kibne lem madeqsitta.

Tonnaah xaagi numma lem faxximta. Xaagut dirab mayacaan. Woh kah kinnim xaagut yeceen dirab num kee lac dufsam bictah. Ceelalloh inki num rob elle rade wee baaxol rob rade axcuk xaagut dirab yeceek, sahdâ qawwaddi ayyaaqe raaxe num kinniimih sabbatah madqah kaa diggaan. Faxe waqdi Xaagi diraabak suktek raceynakaak esseraanaah, woo raceyna kah diggaan. Num fiirih geerah dirab kaal geytimek woonum dirabli deqsitaah, kaak tu taabbem matan. Yab kaak ilqaanah, ayyuntiinô manok edde kaa deelan. woh edde yaaxigen baguh kulli num xaagi isik dirabbootaamak asmatuk hirgaah, sinaamat kaadu yismitem tabsa. xaagu namma marak mahirgan. Qunxa num kee misinkicâ taqabi le numih xaagu sinaamat matabsan.

Toh tonnal anuk away ní baaxoh addal tanih tan xaagi raceynaanik tawqeh tan oytittee kee xaagi fanat yanih yan baxsa qalallaamisnam dudnah. Ankacisah yan mari mangoomut akak badteh raaqah yan oytittee baadal taybullik/taysaabbil tatrusaanah iyya tan. Dirab oytittee agat sarrimaane qawwalaylat culussah iyya tatrussah tan xaagi qawaytite temeggeeh. Eddeey eddeey oyti raceyna ayyuntiinô miixiya edde tekkeh tan edde nan uddurih addal ane wayni xaagitte mango dufa

kataysak geytintam tamixxigeh. Tannah yan caalat raaquh xaagu qawaa kee xaagi raceyanaani xaagi siirat kee radmoomak barteh meqem mangoh.

(ugtumâ mablá madqâ kitaabay, Qabdulfattac Qabdalla 2010i.l.l yuktube)

1.3. Sidochaytoh exxa: kawsa

Ahaak gubal tan esserooró kawsaak ugut abak aliilih gacisa.

1. Qafarak xaagi manot axawah yan akah iyveenim macaay?
2. Xaagut dirab yaceenim macak umaah?
3. xaaguk dirab kee asmat elle yaxmiqeenim mannaay?
4. Xaagi bura mali iyyan waqdi maca iyyaanamaay?
5. xaagu qunxa numuk kaxxa num naharat akah abaah, qibnaytuk buxali naharat akah abaanam macaay?
6. Xaagi gersi oyti tabaatabsih maknayitteh ceelallo elle yakku xiqá caalat kaak macaay?

Ciggiltah tan esseroora kawsa guba haak gitat tenek ``numma`` ixxicaay, gitat ane waytek ``diraaba`` axcuk gacisseeniik gamadal akah itten sabab edde qaddoysa.

1. Xaagi qembimeemiiy akkeh fanat namma boolih karma nan.
2. Xaagi caddiy akah abeeni leemikkal annaak abaanam hinna.
3. Namma num gita garaytek xaagu sittak aboonuh naharaak siita yaaxige mara takkem faxximta.
4. Barra xaltem warsaanama xaagû kal barra maca xaltem warsaanam hinna.
5. Qafar xaagu is kee isi ikoytah amaan dacrissuh goobuh le.
6. Xaaguk kibne deqsittam tu buxuxuuk yismiteenih baahaanama.
7. Dirab xaagi ummatta dufsaah, ummattâ dufi kaadu digaalah sinam yacee.

Ahaak gubal kiryaati addak yewqeh yan qangor xayyooweh yanim kinni. Ta qangor kawsi addal leh yan afeytak ugut abak maqnisa.

Cl: - Dacari Forta

Orba madaara

Caddi_____

Buxá_____

Dula _____

Iliiqi_____

Barnaba numu _____

xaagoysiyya_____

Qibnayu_____

Dirabli Raceyná_____

Bura _____

Dufa_____

1.3.1. Qangor edde yan riket le afeyta

Inki qangara baxaabaxsa le maxcâ mafoofahaddat tamaateh tan waqdi baxaabaxsa le maqna bahtu dudda. Inki qangarak hunun maqna naaxagu dudnam maxcâ maafoh addal aki qangoorut xakabuh anuk taceeh tan afeyta teetik cednah nan waqdi kinni. Ceelalloh afa itta qangara beyak baxaabaxsa leh tan maxcâ maafoh addat leh tan afeyta teetik waginnay.

1. Af sahdayi baxak kinnaane.

Afeyti: - sahda siitak elle baxsintam afa iyyaanama.

2. Af kak radekkt gafo raqta.

Afeyti: - moddina

3. Af kak yaaxigen num hinna.

Afeyti: - Afkan kak yaaxigen num hinna

4. Af sinni gilet lac maniyyaysan

Afeyti: - exxa sinni gile

5. Af sinni akat miyanfiddigima

Afeyti: - kak yafgiden mallayta sinni akata.

Ahaak gubal xayyooweh yan kawsi addak yewqeh yan qangor maysaqarrat cattimak afeytisa.

1. Qaada
2. Manó
3. Sissikaane
4. Dardariyya
5. Rabak nuwaaya
6. Barti nabná
7. Qunxa mariino
8. Ayyunta

1.4. Fereyhaytoh exxa: Aktubiyya

1. Xaagut yan tuxxiq taybulleeh tan missilitte taaxigeenih tanin marittek esserak hinnâ maykaadu kitoobaay, xaagi waraakit kee majallootak korisak kutbeh xayyoosa.
2. Ta missilittek kulli missilat mannah tan farmo taturtam sinnih elle ceddeenih tanin innal kutbeh qaddoosak namma maasayya takke kutbe fiirisa.

1.4.1. Kassiisenti mabbuxu

Akriyee kee ankacse akkuk kassiisenta nabbixeh nan waqdi nek mangoh. Tohih addak gudgud yaabaay, inki caagidil yamcawwee addâ fakootuuy, raadiyoo kee televisionul taturta farmoomaay, kitoobaay, majallatittee kee maybalaalaqâ kawsak kassiisenta beyaanam kak dagom kinni. faxe caaalat kee amokraddil kassiisenta nabbixem fannah nan waqdi kataytah tan ximmooma cubbit haynam faxximta.

- ✓ Kassiisenta yabbaxoonuh elle yabbixoonu waan warkat kee edde yaktaboonu waan kalam aracat haanama.
- ✓ Hangi yakriyeenih yaniinimih hinnammay kaadu ankacisaanah yaniinimih dubuk yaceenimi.
- ✓ Yakriyeenih yaniinimik hinnammay kaadu ankacisaanah yaniinimik lafa le tû mabulitte uyxuxxossu haak yaktubeenimi.
- ✓ Tohum Qangaraay, maxcaa kee maxcâ maafoh caddol inkih tankuttubem duddah. Faxe gurral yaktabay yaktubeh yan num isih tu elle kassitu xiqa cogday isih dooritet yantifiqqimem kaak faxximta.
- ✓ Oobbuy, ubullu heenim inkih yaktubeenim hinnay tuxiqtam akak yakkaleenim yaktubeenimi.
- ✓ Kassiisenti mabbuxuk gaba kalteeniik gamadal fiirisseenih taniinim nammey haak kawisak mokot tunkuttubem celtam massoysaanama.
- ✓ Kassiisenta kah faxxiimah yan hadafih xoqoysil assaanama.

Ahaak dagal Kawisseenih taniinimik hinnâ may kaadu ankacisseenimik lafa lem kassiisental elle tabbixoonu xiqtan cogda baritteenih. Ciggiilak kaadu ayyuntiinô fantaaxawa iyya ammuntalqasir siinuh xayyoowe. Ta qasiir kawisseeniik gamadal kawsak raaqisseenih taniinim uyxuxxossu haysay kutbeh xayyoosa.

Xayyooweh yan kawsih addal qangor kee qangor fan, maxcâ maafoo kee maxcâ maafô fan tonnaah, maasayyaa kee maasayyooyi fan elle yangaleh yan yasgalli qangor meexak kutbeh uybulluya.

1.4.2. Ayyuntiinô fantaaxawa



Miici, 1.2. sayyô fiqmah tikyá

Ayyuntiinô fantaaxawa akak iyyaanam sahdayti baxi isi manoo kee yedreh yan ikoytá fanteyna abak raqteh tan ayyunti exxaaxilluk haysitah yan qallaa kee fantaaxaw kinni. Sahdayti baxi abaadal mannoowam qembiseemik xabba haanam sitta cataanamaay, saayah sittâ luk xiinaanamaay, boolaysitah yan mara cataanam kee tonnah tan meqe abtoota abak yemeetem kaak manô dokkoh aydaadi yascasse. Qafar ayyunti tonnaah kaadu ayyuntiinô fantaaxaw kaxxam akak fidiniih, digga akak le ayyunta kinnih tanim baxaabaxsa le oytitte nummassah taniimi. Ta ayyuntih addal ayyuntiinô fantaaxaw kee angaaraw naba keemat akah lem kaadu banaadamiinok rakiibo ayyuntiinô fantaaxawa axcuk elle yaamineh yaniimi. Qafar ayyunti ayyuntiinô fantaaxaw edde maqarroysah yan cogdaadi kaak mangoh.

Qafarak qaadâ nihirittey ayyuntiinô fantaaxaw maqarrossaah, diggossak tutut yabnek naharsitto akak affeecinna. Affeecinna akak yaanam Qafar addal kedooda sittin fanal haysittah tan qalla kinni. Affeecinna le kedoodah fanat digga le qalli yaniimih sabbatah raabit kee xagra ken fanat taabuke. Sinam sittak qidan way sittat

miyaaman. Affeecinna leh tan namma kedoh yaabukeh yan marih fanal kaadu meqe angaaraw kee fantaaxaw yaabuke. Sitta lollisaanaah, furgacat sittal abbasitaanam kaadu astay elle yamixxigenih iyyah lon. Faxem siital baahan way umantih sitta mawagtan.

Affeecinni Qafar sittin xagrah abitteemiiy, sittin fanal kakanuu kee ayyunti sittalluk aalliyya edde daabisoonuh gineeni kinni. Affeeci kicnoonumuk sittaa raaqaanaah, mariiy marat tucabam kaadu makkoh le. Affeecayti/to esserem/essertem macinan. Ken fanal qadadaa kee lollo taniimih sabbatah yaabah siitah maceeran. Siita yoogoreenik xagar siital mameklan. Loonuh yanin xagrak gexxaamahbiiluuy kinnih siitah baysaanah. Tah taybulleem affeecinni Qafar arrabaa kee gabak inkih sittak xaggursumtuh sittin fanal haysitteh tan xinto kinniimi.

Tonnaah Qafar addal ayyuntiinô fantaaxaw edde maqarroysaanah yanin qaadâ nihirittek tiyak teyna Qalla. Affeecinni amo gexxam kinnih tan waqdi qalli numtin amoh caddol taabukeemi. Qalli numtin amô kataysiinu kinnih tan waqdi usuk cube kal yangooroweenih yanin waqdi yaabukem bictah. Namma num sittâ lih inki arac caagidih gexaanah yanin waqdi cal sittak yossokooteenik angaarawkeenik qalla haysitaanamih caddol fayyayam duudah.

Qalli keemat leemiiy, xagrah abeenimi. Marol caalite num caalak edde gacsanaah, gaba yabbixi kaak takkem kay qalla. Qalli fanat akak yan mari essereenim siital macinan. Tonnaah yab siitak macinan. Namma numuk xaynáqalli caddo maaddah tan waqdi fanat sinam haysitan. Kataysis kinnoonum/qalla haysiteenim sinam sumaqsiisan. Woh akah abaanam usun lon xagrah ken xayni/ramad inkih siita xagrâ gida kinni. namma numih kakanuh raaqeh yan mari siita yacine. Ken buxaaxih mari inki buxah mara yakken.

Xeflih qalli fanat akak yaabukem mariiy kedoh akak yaabuke mara. Usun kah yaabuken kedooda kaaduxagra haysitta. Qafar qalla fan haak siitat aban xagra edde

tascasse missile le. ``Qalli qallah qalla yakken, `` axcuk sugen. Qalla maqarrooysoonuh laak-gaala siitah yaceen.

Woo qalli “laak-gaala akah gexxe qalla” iyyaanaah, woo marih samad yanim mabaysan. Baxi baxal raaqak gexa. Tah taybulleem qafar addal ayyuntiinô fantaaxaw maqarrossaah, ummttâ fanal meqe angaaraw kee kakanu gintaamak tiyak teyna qafar qaadah le qalli siirat kinnim nee taybulle.

Qafar addal ayyunttiinô fantaaxaw edde maqarrooysoon cogdaadi dubuk tahat mataadiya. Qafar fiqmâ may tu le. Fiqma akak iyyaanam karmaa kee nado rakiiboh le xisne kinni. kulli caddol qunxaaneytaay, furraynaa kee sayyô fiqma tan. Fiqma qafar addal ayyunti xisneenak tiyak teyna kinnih tan waqdi is xintoh exxaaxik exxak teyna kinni. Fiqma ayyuntiinô fantaaxaw kee sittâ luk aalliyya edde maqarrooysoonuh haysiten makko celta. Sayyô fiqma takkuuy, qunxaaneyti fiqma sinni dariifal yakkeh yan ayyuntiinoh angoyyat maqarre gabah assagolla haysitan. Rabak nuway kee deerok decsol sittin xaqut soolan. Woh edde koobaahisoonuh miraacissa abboti haysitaanaah, madqah xiina mara yakken.

Baxsa luk qunxaaneyti fiqma ayyunta Issi ariiqol tayfoofe. Fiqmah adoytiitik furrayniinô karma gaba keenik kaltek kaslê fiqma yakkeenimih fan tatran. Keenil kataytah tan hora kaadu ken arac raaqissa. Baxaabxsa le ayyutiinô caagiida tenek ayyunta ariiqoh catan. Sinnik sinnih siita catan. Sittâ luk abaanam faxximtam sittâ luk aban.

Sayyô fiqma tonnaah isi fiqmah abba le. sayyô fiqmat abbah tan barra adoytit fanat maqar le fantaaxaw akah gacannah, digib kee kalah tan ayyuntiinô caagiida tenek lakqoo kee ariiqoh sitta kah qikan innah koobaahissa. Gibdaabinat yan marah cato akah aban innah adoytit koobaahisan. Qellat baahaah, amri oggole waah yan adoytiitil maaqatta beyaanamih mixxaaginna lon. Tah taybulleem kaadu fiqma xintok exxak teynay xintok maacisso maqarrossa kinniimi. Sitta fan gacissi hayna waqdi

Qafar ayyuntak ayyuntiinô fantaaxaw maqarrossa qaadâ nihiritte ahat mataadiya. Qafar raddeemiy takke sittin fanih angaaraw kee sitta liino edde maqarroysak temeeteh tan meqe abtootay qafar inki ayyunatay lafaa kee ixuh yani abtem qaadâ lih luk radde qaadâ nihiritte kinnim nee taybullee. A qasrih hora kaadu Qafar sarrimaane inkittiinol daabissuh Qafarak qaadâ nihiritteh ixxiga cibaabisaanam faxximta.

(A Qasir Qafarak sugeet nihirittee kee fannitte, iyya kitaabak galik 11-12 fanak massosne)

1.5. Konoyhaytoh exxa: - yabti rakiibo

1.5.1. Xagissá

Kutbeh addal faxe qaynatih astootit akah xoqoysimaanam yakriyeh yan marah kiryaati qaada sahhaloysoonuu kee yakriyeh yan mari kutbet taturtah tan farmot batte kal xeh akah radanna xiqsiisoonuh kinni. Qafár afih feera fiirisaanah yanin waqdi kaadu edde xoqoysimaanah yanin astootik astak teyna xagissoosah astooti kinni. Qafar afak yabti xongolo sidiicaamal solta. Toh yangayyiy, mayangayyi kee xagissoosa. Yangayyi mayangayyi xongolisaah, yaffare wak xagissat qokkolsima. Yangayyi miyangayyi elle faxximtannal afeytisu duude waa waqdi edde qokkolsimaah, cattimam xagissa. Xagissá 4 takke. uson kaqitaay, xukkutaay, makaa kee xakaba deqsitan. A qasiirih addal kaqitta xagissaa kee xukkutta xagissa kutbeh addal elle taamittannaa kee lon doori ablenno.

a. Kaqitta xagissa (Λ) = kaqitta xagissa (kaqita) taamittam, naharsi qangara yangayyit taadeeh, ciggilta qangara mayangayyik qembissa waqdi. Is naharsi qangara edde taadee yangayyi warah amot gacta. Takkay ikkal xongolol nammiinissam ciggilta qangara akak qembissa mayangayyi wara.

Kaqita maallo(ikoytiinu) tascasse. Ciggilta qangaray is amot kak tani tookome qangarah ikoytá kinnim taybullee. Is koonaa yangayyih amot inkih gacta.

Ceelalloh: -

Elle tankuttubenna

- Reytâcana
- Waarêwadara
- Aytîqokka
- Cammô Qaliimiraaca
- Kayyû koori

Elle tankiriyenna

- Reytaccana
- Waarewwadara
- Aytiqqokka
- Cammoqqaliimiraaca
- Kayyukoori

b. Xukkutta xagissa (á): -xukkutta xagissa namma seeceyna siital katayyaay, xukkuta naharsi qanagarah amot eneyyi tek, nammeyhaytô qanagarak maaloo tascasse.

Ceelalloh: -

- Ismaaqíl gurrata
- Noór cuseeni
- Birrí daaba
- Qadoytí rakuubu

- Canle dabqí buqre

Tonnaah, kutbeh addal xukkutta xagissaak nammey haytoh ayfaf kaadu nado yaybulleenimi. Xukkuta yangayyik “a” kee“u” warat yaadee qangoorih amot gacta waqdi woo qangooruk say nado tascasse.

Ceelalloh: -

Awka

Awká

Ala

Alá

Kuta

Kutá

Maxcoh addal

Awki yemeete

Awká temeete

Alí yemeete

Alá temeete

Ahaak dagal kaqitta xagissaa kee xukkutta xagissa kutbeh addal elle taamittannaa kee lon doori baritteenih. Ciggiilak kaadu dagal tomcowweeh tan ceelalloolal rakitak:

- A. kaqitta xagissa maxcoh addal elle taamittannaa kee tet doori ceelallot qaddoysa?
- B. tonnaah, Xukkutta xagissa (xukkuta) maxcoh addal elle taamittannaa kee tet doori Ceelallo edde haak uybulluya.
- C. Kulli num isih abem footimah addal kabir yuybulleek lakal sinni waday yayballayay xica?

1.5.2. Amô gacsasa

A mafdagal Qafar, xaagû may oyta siitat elle tabaatabissam lem baritneh. Xaagi Qafarak manot Axawah tanim kinnih tanim kee is kee isi ikoytah amaan dacrissuh goobuh lem kinnih tanim kaadu nubleh. Sitta aaxige waanamah xaagu sittat tabaatabsaanam Qafar qaadah leh tan abto kinnih tanim kee xaagu kinnuk usuk caddiy kaa elle abaanah iyya lem kinnim neexegeh. Tahat axawah haak kaadu Xaagu kaxxa num qunxa numuk naharal akah abaah, qibnayatuk buxali naharal akah abam caddi kinnim kaadu cedneh. Xaagi mexxatat yabneh nan waqdi lafa luk usuk nammam yaallem faxximtah tanim kaadu baritneh. Toh diggaa kee numma kinnuk xaaguk digga xaaguk wadirit makka iyyeenih abaanam kinnih tan waqdi numma kaak kaadu elle geen innal elle kaa tabsaanam hinnay kaa yasmiteenimi. Xaagut yeceen dirab ayyuntiinô dufa katassaamih sabbatah akak xaggursumeenih meqem kinnim kaadu nismiteh.

Dagal edde yabneemik ossitinah kaadu kawisneh naniimik, hinnâ may kaadu ankacisneh naniimik lafa lem kassisental elle nabbixe cogda kaadu nixmiqeh. Nibbixeh nan kassisental rakuh gacak kawisneh naniimik hinnâ may kaadu ankacisneh naniimik farmo ninnih elle naaxigennal fiirisaanamih gabbatu kaadu abneh. Tonnaah xayyooweh yan qasiirih addak qangor kee Qangor fan, maxcâ maafoo kee maxcâ maafô fan tonnaah maasayyaa kee masayyâ fan yasgooroweh yan yasgalli qangor baxsaanamih taama kaadu tekkeh. Amo gexak xaagi raceynaani kee xaagu qawa xaagi radmoomak barteh meqem tanim cedneh.

1.5.3. Amô gacsi esseroora

1. Xaaguk ayyuntiinoh ayfaf macaay?
2. Xaagi tabaatabsih waqdi akak xaggursumeh meqem macaay?
3. Xaagi Qafarak manot axawah taniimi akah iyyeenim macaay?

1.5.4. Axmaq boositih cibta

Ahaak gubal

Ihaytô mafdagal xayyowteh tan barittok magid takkem ceddeenih raqteenim sinnik elle kusaaqissan qarwali siinih xayyooweh yanim kinni.

Kulli makeelissoh ximmok focat yan aracal ceddeenim akak tasmiten ximmo tekkek (√), asmitewayteenik (x), tonnaah, inki katuuk edde rade wayteenik(?) asta edde haak qarwali kiba.

Wilíq Loowo	Makeelissô ximmooma	(√)	(x)	(?)
1.	Kawsak lafa le tû mabuul kawissi heeh cedeh.			
2.	Xaagu kinnuk kay kinnaanee kee ayyuntiinoh ayfaf kaak cedam xiqeh.			
3.	Qangor dubuk yan waqdii kee maxcoh addat cula waqdi leh yan afeyti baxsa baxsaanam duudeh.			
4.	Kawsem kee ankaciseemik kassiisenta beyam duudah			
5.	Yasgalli qangor aki qangooruk baxsam duudah.			

NAMMEYHAYTÔ MAFDAGA

2. Sayyô doori

Mafdagâ hadafitte: - barteyniitow ta mafdaga baritteeniik gamadal: -

- Sayyoh ayro akah yassakaxxeenim qaddoysetton.
- Sayyoh ayro yassakaxxeenim ugut macak abtem qaddoysetton
- Sayyoh ayro yassakaxxeenimit yan faydat warsetton.
- Dacarsittoh xiinâ sayyo ayyutiinô manoh addal leh tan doori qaddoysetton
- Walal edde xinta dacrisak baxaabaxsa le amo gexal walal gexsetton.
- Baxaabaxsa le amuntittel maasayya fiirisetton.
- Solsinoonat elle faxximtâ nal cattimmak fiirisaanam abetton.

2.1. Inikhaytoh exxa: Ankacsu

Ciggiilak xayyowta aliilih gacsan esseroora barseyni siinih kawisuwaa kutbeytal rakuh gacak missat yan gacsa gacisa. Raddi gacissaanamak afal kawsak lafa le ximmooma kassiisental yabbixeenim mahabbaalina.

1. Qasô biyak mannah tan baaxol mangooh?
2. Qasô biyak seehadal baahu duudam macaay?
3. Ta biyak numuk numut mannal tabaah?

4. Kayniiqê qaso kah iyyaanam macaay?
5. Qaso tabissa kayniiqe mamigaqleeh?
6. Qasô biyak yibbixe num maca abam faxximtaah?
7. Qasô biyaakih astootik giffa-giffo leemit yaaba?
8. Ta biyak elle yambullee dariifal seehada maca abtam faxximtaah?
9. Dariifâ saytunaane kah faxximtam macaay?
10. Ta biyak xagarat le num sissik cato akah faxam macaay?

2.2.Nammeyhaytoh exxa: - Yaaba

Ahaak gubal xayyowteh tan walal ximmoomak tiyak teyna doorak walal edde xinta dacrisak elle walala.

Walal siinik gitat gexuh ciggilta gexso kataya.

1. Sin fanak walal gexsit miraacisuwaa barteynaa kee walaltu wayta barteynit doorak sittat konoy takke barteynit meexa.
2. Walalah dooren maraw lecey takke walal ximmoomak ximmok teyna doorita.
3. Doorten ammunta waksiisaak, wohut tafkune kitooba kawsee kee wohut ixxiga le mara essere akke akkuk dudda le oyta kobxisseeniik gamadal walal udduruh bicsita.
4. Walala mari sinnit celtam oobisan waqdi garrisak lafa le ximmooma kutbeh ibbixa.
5. Walal gexso waksiisaak, obte mabloomli waksiisaak, sin barseynah yaakumik ciggil dacrisak inki gali takke kutbeytá kutbeh xayyoosa.

Elle walal tan ximmooma: -

- A. Dacarsittoh xiinâ sayyok barittô gabah assagollaa kee gexekalitte.
- B. Sayyok ayyuntiinooy, maddur kee siyaasâ gabah assagolli itiyobbiyal maca ceelam kee calli Macat lem.
- C. Dacarsittoh xiinah ayyuntih mano milaagimtuh sayyo digreh meqe doori maca kinnim.

- D. Barittô buxaaxih addal barteysiit kiryaatit yan taqabii kee calli.
- E. Itiyobbiyal sayyot takke nadô ganaasaqoo kee figda.
- F. barittô buxaaxil retteemah ayfaf edde yan caddoo kee elle maqarroowa gititte.

2.2.1. Walal miracsenta

Walal akak iyyaanam madma le abtoy sinam uddur kee arac akah baxissi hayteh angaarawuk caagidik teynal walalak tut caboonuh aban abto kinni.

B). walalah aban bica

1. Ammunta nagay yaxmiqeenimi
2. Ammunta waksiisaak tunkuttubeh tanim gonnisak lafa le ximmooma yaxmiqeenim kee yabbixeenimi.
3. Woo caagidil ixxiga le akak iyyan mara yaabisak mabla keenik yaktubeenimi.
4. geytimte mixaxitte ta walalah bictam kinnik waytam yasmiteenimi
5. Ximmooma ammundak kulli gammi taybulleek waytam asmatuk uddurullih gexxam kinnim yasmiteenimi.

T). **walal xayyoosu**

1. Tikya massossuuy, saytunaan dacrissa heenih walal aracal geytimaanama.
2. Sinni iduk yaabaanama.
3. geeri marih mabla yassakaxxeenimi
4. Texceyyeeka sinni meexen mabla tatrusaanama.
5. Walal ammuntaa kee madma uxxuk qaddoysaanama.
6. Yaaban waqdi anay kaxxam ramma heekal, kaxxam fayya heekal fanal yaabaanama.
7. Meesii kee wacariy cabaanam faxximtam kee carrâ sinna kaadu inkinnah aybulleewaanama.
8. Walalak lafa le ximmooma sittâ lakleh daffeysaanama.
9. Mixaxu akak iyyan yab oytal rakuh haak xayyoysaanama.
10. Meqe baxxaqsih cogda katayaanama.
11. Ankacisah yan marak xayyowtah tan esseroora kutbeh yabbixeenim kee midu kah geyan waqdi ceelah yan raddi kah yaceenimi.

Ahaak gubal afak kinnaanee kee ayfaafaya iyya ammuntal kawsí siinih xayyoowe. Ammuntak ugut abak ta qasir edde yaabuwaam maca kinnim waksiisak walala.

Kawsa kawisseeniik gamadal kaadu kawsak geyteenim isin walalal geyten ximmomâ luk agaarada.

2.2.2. Afak kinnaanee kee ayfaafaya



Miici, 1.3 haasawaa kee mablâ tabaatabsa

Afa iyyaanam sahdayi baxih afak tawqeh tan xongolot edde yangooroweenih yanin silaaca. Sahda afat xoqoysimak sinnih loonuh yanin tû mabul aki marat edde tabsaanaah, aki marih tû mabul kaadu edde hirgaanam afa. Af xongolol edde yangoorowen silaaca innex saqiiy kinnih sittah anqaxaah, xongolol sitta geyah. Ta saqi xongolol aba angaaraw af deqsitaa? Itta essero uguttam gita.

Sahdayti baxih af annaaak takkem hinnay adabil xissimta xongoloolâ kobox kinni.

Saqi xongolo inki inkinnal tanî kal milagimtam mali. Af sahdayi baxih innah yaabukeeh, dadlaah, rabah. Kaat yaabah yan mari waytimah yan waqdi kaadu bayah. Af kaat yaabah yan mara inkinnah wayya haam fan rabem madeqsitta. Kaat yaabah yan marak ixxigaay, aydaaduuy, Qaadaay

w.w. tanim luk horaak horal tabak gexa. Ta gexsiti afat cultah tan qusba mabloomi qaddoysoonuh xongoloolaay, qangor kee qaddos elle abaanah yanin innal milaagi kaat boodam duudah.

Tonnaah, af siitat axawah yan namma abina le. Naharsitti kaak mabla tatrusaanam kinnih tan waqdi nammeyhayti kaak kaadu edde yaabah yan mablat axawah anuk yaabah yan numuk kinnaane yaybulleenim kinni. Mabla tatrusiyyal yamixxige afti ayfaafay afak rakiibo kinnih tan waqdi kinnaane yascasse ayfaafay ayyuntiino deqsita. Tohih sabbatah inki num inki caagidit yaabah yan waqdi kaa ankacisah yan marah tatusam namma farmo. Naharsitti hununuh caagid waksiisak tatusah yan mabla kinni. Tonnaah, nammeyhayti kaadu goloquh isi kinnaane ankacisah yan mara edde yaysixxige. Inki num yaabah yan waqdi kaa ankacisah yan mari usuk iyya kinnim kaak edde cedeh raaqa. Ceelalloh inki sahdaytuk tebbil quleenih yanin yab ankacisne nee tekkek yaabah yan sahdaytuk xongolooy, qangor qidooy, qangor dooroo kee elle yaabah yan migda kaak ankacisah too sahdayti ma sehdaytu kinnim naaxagu xiqnah. Axcih sayik- labim, magaalâ num kinnik barri num kinnim, tonnaah, buqraabe kinnik tellemmo abeena kinnim baxisnam dudnah. Inki inki waqdi ahaay hebeluk/hebeltoytak tanih tan edde innam xiqna caddo gufnam bictah.

Af ayyuntiinoh ayfaafayal inki numuk taturak inki dariifal yanih yan inki afat yaabah yan ayyunta too afat yaabah yan aki dariifal yanih yan ayyuntak baxisneh elle naaxigem le. Toh anxac baxsay xiyaalekti deqsitah iyya. Baaxô xexaarak gexxaamah duwal angale waah fanatbaditteey, dorwaa kee qaleelah innah tanim akak raqtah tan inki afah yaabah yan mari elle aninnaanah ikkel sinni xiyaalekti ginan. Anxac baxsa baahan. Qafar af ceelalloh beyneh wagitnek baqaduuy, kilbat kee awsal yanih yan anxac baxsa (xiyaalekti) waginnam dudnah.

Ceelalloh baqadul lubaakak lab alak “Dalcu” iyyan. Aki dariifal madu

iyyan. Tonnaah, baqaduu kee inki inki dariifal “x” xongolo edde tan aracat “d” xongolo haak yaabaanam tambullee. Ceelalloh xalteh iyyoonuh “dalteh” axcuk yaaban. Tonnaah kilbatti dariifal genxeh, canxeh w.w axcuk yaaban. Afat yaabah yan mari ta caalatal kulli dariifay elle yaniinih yaniinil ginaanah yanin xiyaalektitte loonuu, taa, edde yaabaanah yanin xiyaalektih baxsaak ugutak kak yemeeten dariifal ken baxisnaah naaxigeemih ascossa takke. Takkay ikkah xiyaalekti baxsi sittingeyik ken mawaasa.

Kawsaak ugutak abak kataytah tan esseroora “diraaba” axcek “ numma“ axce akkuk gacisa.

1. Inki afat yaabah yan marih fanat xiyaalekti baxsi yanim angaarawak ken mawaassa.
2. Inki num is waksiisaak, tannal ayyo iyyeh isit yaabeh akke wayya haytek kay yaabaak ugutak kay kinnaaneh oyta geynam madudna.
3. Afak rakiiboh ayfaf edde yaabah yan numuk kinnaane yaaxigeenimi
4. Inki af rabeh innam kaat yaabah yan marat ginoo kee sahdayi qawwalayla booddah tan waqdi kinni.
5. Af adabil tengele xongoloolah koboxu.
6. Af xongolol siitat aban angaaraw kinnuk, faxe xongolot siita geeniik wadir afa innam dudnah.

2.3. Sidochaytoh exxa: kawsa

Kiryaati naharih esseroorá

Ahaak gubal xayyoowuwaah yan kawsat axaw leh tan sidiicâ essero xayyowteh tanim kinni. ta esserooral buttá buttah gacak walalteeniik gamadal walalal edde cabteenim kawsâ luk agaarada.

1. Sayyoh ayro wagsiisaak ratteemal takkeway hinnâ may kaadu sinam axcih toobben siini. Aayro yassakaxxeenim macak ugut abteemiiy?
2. Labhah ayro kakiyyan ayro taniihay?

3. Sayyoh ayro yassakaxxeenimit macâ faydat yaniih?

Baad sayyó, sayyoh ayro tassakaxxem qembisseemiiy akke mango daboonah nan. Tah kulli liggidal caxah alsak 8 ah baad sayyo elle aninnaanih ikkel tassakaxxeh tan qaffayda kinni. Ugut kak f.l.l sanat 1908 Ameerikak niworkih magaalal 15,000 gaba bahtah tan sayyo qasbi keenih osisaanaah, taamâ saaqat keenih massoysaanam kee, tonnaah dooraanaah, dorsimaanamih gar keenih xaggursumam faxximtaamih essero xayyoysak aben uluulukaak ugutak galli maroh eglá mamaxxaga akah acayuk qaffaydal muggaaqisseh tan ayro kinni. Aayro baadal tan sayyo inkih tassakaxxe ayro akah takkennah mabla xayyossem kilaarâdeqsitta saynumuk ten. is, f.l, l. 1910 a mabla elle oobisseh tenem kaadu 17 baaxok temeeteh tan sayyo edde tengeleh tan sayyô konfaransiy xenmarkik kobban haagan deqitta magaalal gexsitehiyyak ten. Tanay takkay ikkah woo daffeynak kaadu Taayro nassakaxxay axcuk ayro kah mudeenih manannonum warsan. Galli maroh eglá f.l.l. 1975 baad caddol akah yassakaxxen innah abeeniik lakal baad sayyoh ayroh migaq teelle. Gersi gambik kaadu Aayro yassakaxxeeniih, qaffaydah ayro tet aboonuh sabab tekkem kaadu ruusiyah sayyo “salaam” kee “xabbo” itta itrol f.l.l. sanat 1917 gexseenih yanin soolo kinniimit yaaban. Ruusiyah sayyo ta soolo, doortaamih gar elle esseritteh ten soolo kinnuk Aaffara Ayro siital lakayleh gexsen uluulukaak lakal, ruusiyak qaadâ xintoh abbah sugeh yan num reedak edde oobeh yen.

Too numih lakal doolat abba akkuk reedeh yan num sayyoh le cakki aaxigeleemih xagana culak, soolo edde gexsen ayro kaadu sayyoh ayrol muggaaqisehyenem kassiisan.

Tohuk wadir Aayro mango baaxooxal baaxô caddol yassakaxxeenih yanin qaffaydah ayro tekkeh tanim kee sayyo kaadu qaalam caddol sayyot takkeh tan xukkoo kee ganaasaqo edde yassacakkeenihi, siitin garah edde xaawan

ayro tet abeenih yaniinim tabulle.

Sayyoh ayro, yassakaxxeenimik hadaf sayyo, ayyuntiinô manoh addal madduruuy, ayyuntiinoo kee siyaasat maqar le gabah assagolla haysitak isinni qaaqak yawqoonu saami keenih faktem kinni. Sayyoh ayro nadô ganaasaqok currih yan qaalam ginoonuh gicloh sido edde qiden ayro kinni. Kawsal rakitak ahaak gubal ciggiltah tan esseroora numma axcek, diraaba axce akkuk gacisa.

1. Salaam kee xabbo itta itrol sayyô gar xaggursumuh naharsi maaqatta teeqetem ameerikah sayyok ten.
2. Sayyo abteh tan uluulukat qaadâ xintoy baaxo xiinisak suktehiyya elle tiddigillem ruusiyak ten.
3. Labahah ayro aham fan galli marol mamaxxaga magenna.
4. Dacarsittô manoh taama labhak muxxi sayyol kulsi.
5. Labahah ayró elle yassakaxxen baaxooxal woo ayro sinaamah ceelallo takke taamoomi abteh tan maritteh acwaa kee mamaxxaga yaceenimih taama akkuk assa.

Ahaak lakal ciggiltah tan esseroora kawsal rakitak aliilih gacisa.

1. Sayyoh ayró yassakaxxeenimit baad bahtem macaay?
2. Sayyoh ayro yassakaxxeenimit macâ faydat yaniih?
3. Sayyô gar xaggursumuh sayyo mannah tan maaqattooti beyteeh?
4. Dacarsittô manoh addal takkeh tan taamoomi labhak muxxi sayyol akah kulsim macaay?
5. Dacarsittô manoh addal labhak taamâ lofti maca siinit ceelaah?
6. Dacarsittoh xiinâ mano milaagoonuh sayyo mannah yan doori digirtu xiqtaah?
7. Sayyok dooraanaah, doorimaanamih gar itiyobbiyal maca ceelaah?
8. Itiyobbiyal sayyok madduruuy, ayyuntiinoo kee siyaasâ gabah assagolli maca ceelaah?

2.4. Fereyhaytoh exxa: kutbe

A. Tahaak gubal maasayya waksiisaak, xayyowte kutbeytá akrayuk, Tet ceelalloh haysitak ciggiltah tan ammuntittek tiyak teynal dagnal inki maasayya fiirisa.

1. Dacarsittô mano
2. Kaarib kataysah yan gibdaabina
3. Tiraafik qawwalaylaa kee calli

B. Nammay nammayah gacak mariiy mari abem beyyi heeh edde boositeek lakal

1. Sin kataysiisih kutbek giffo le maxcaa kee yabti cakaka baxisa.
2. Maasayya akak xissimteh tan maxcâ mafoofa siitah ramad lem kinnik akke waytam, tonnaah ammuntal/giffo le maxcal taniimik iroh awqe waytam ismita.
3. Maxcâ mafoofa rakiibô qellat lek aalle waytam kusaqaasaanama.
4. Sin kataysos solsinoonat xoqoysimeenik waytam yasmiteenim kee gitah keenit yintifiqeenik waytam cubbusaanama.
5. Kusaqaassen maasayya waksiisaak, sinni kataysiisih yot celtâ mabala acuya.

2.4.1. Maasayyá

Maasayya, inki caagid baxxaqisoounuh edde xoqysiman kutbeytâ qaynat kinni. Ta caagid edde baxxaqisaanam inki maxcâ mafo takku bictah. Wohuk tamaggeem kaadu bictah. Takkay immay maxcâ mafoofa ramad siitah lem tambulleem faxximta. Maasayya mango waqdi inki giffo le maxca le. giffo le maxca akak innam akah uqten yaabay baxxaqimak gexah iyya kinni. tonnaah maasayya yabti cakaka lem faxximta. Giffo le maxco inki maxcâ mafo tikki itteh geeri maxcâ mafoofay naharsitto baxxaqisak gexxahiyya yabti cakaka deqsitta.

Ceelalloh a ciggiltam waginnay.

Ni barittoh buxak xagar dig angoyyi udduruuk uddurul dadalak yemeete. Namma liggidak afal ibi koqsoo kee gabâ koqsol 9haytô footimaa kee 12haytô footimah urrih fanat abal yekke. A amok nek tatre barittô liggidal abalitte nammayak fereyih dadlisak, ibi koqso, gabâ koqso, zambiil koqsoo kee ardi qalayli edde osisak abalitte tekkeh. Ta edde nan barittoh liggidal kaadu affara abalittel inki adda qalala elle tekkeh. Tohuk taturak ni magaalak Qaadaa kee dagar dig exxa bicisse qalalat ibi koqsoo kee rettâ koqsoh abalat nengeleeh, mayso kaadu geyneh.

Ta ceelallok elle tablen innal, ta maasayyak giffole maxca “Ni barittoh buxak xagar dig angoyyi udduruuk, uddurul dadalak yemeete” itta maxcâ maafo kinni. Too caagid lakat tanih tan maxcâ maafoofat baxxaqsime. Cakakissa maxcâ maafoofa naharaak xagar dig namma abalal akkuk sugem, sarra affara abalitte fan dadlem kee dubuk addal aban qalayli hinnay irô marat edde qalalak yemeetenim warsa.

2.5. Konoyhatoh exxa: - yabtí rakiibo

2.5.1. Ximmoomaa kee ximmo le catuffa

Kutbeytah addal solsinoonak hunun abto, kutbeytâ farmo buulume kal inki waqdih wagittot yakriye num edde radaggidi.

Kutbeytah addal edde xoqoysiman solsinoonak ximmoomaa kee ximmo le catuffat yaabenno.

a. Ximmooma (...)

1. Kutbek (maxcok) addak yekeeseen qangor (exxa) raaqisnem naybulluh edde xoqoysiman.

Ceelalloh: - (“yab yab ceelâ meqeeh...”) akah iyyan innah.

“Yab yab ceelâ meqeeh, baxi abba ceelam meqe”.

2. Amok raci kutbeh addal yakriye num raqtem isih edde kibak raqteh tanim yaxmiqeggidah iyyan waqdi

Ceelalloh: - ma daffeya, anu akah emeetem kok inki qangara aabbê gidih emeete kaak itte waqdi...

b. Ximmo le catuffa

Takkusâ qalla le maxcâ maafoofa sittat xakbisak xayyoysoonuh tuxxiq le. ximmo le catuffa maxcâ maafo edde solta ximmok edde baxsimtam tohu. Idyâ ximmo maxcâ maafo soltem neh warissam akke waytek, kaa kee wadirit tan maxcâ maafoofah fanat takkusah axaw yanim mawarissa.

2.5.2. Amô gacsa

Nammeyhaytô mafdagal amo gexak sayyoh ayro nuble. Aayro edde toobokem sayyo ayyuntiinooy, maddur kee siyaasâ gabah assagollih gar keenih xaggursumuh abeenih yanin angoyyat toobokey ayro kinnim nuble. Kilaara deqsitta saynum sayyô konfaransil oobisseh tan tummabuluk ugut abak, galli maroh eglax caxah alsak 8ah baad caddol akah yassakaxxen innah mamaxxaga akah teceeh tan ayro kinnim barinneh. Tohut axawah dacarsittô manoh addal dacarsittô manoh taama labhak muxxi sayyol kulsim nubleh.

Ta mafdagah addal ossitinah afak kinnaanee kee ayfaafayat yabneeh. Naharaak af sahdayi baxi xongolot siita elle geya gita kinnim nuble. Xongolot aban angaarawat yabneh nan waqdi saqi kaadu xongolot yangoorowem naaxagay immay, sahdayi baxih af annaak takkem akke waytam kee milaagimtam kinnuk saqi afak inkinnah baxsa lem kinnim nubleh. Af dubuk sahdayi baxihim kinnim neexegeh.

Afak ayfaafayat elle yabneh nan footimal kaadu af leh yan namma ayfaafayat siitat axawah yani nubleh. Inik haytoh ayfaafayat saanah farmo tatrusaanam kinnih tan waqdi, nammeyhaytoh ayfaafayat yaabah yan numih kinnaane yaysexeexegeenimi. Tahat axawah haak inki afat yaabah yan mari fidin baaxol yaniinimik amakkaqum xiyaalekti baxsa yaybulleenih yaniinim nuble.

Dagal qaddosneh naniimik ossitinah, walal miraacisenta baritneh. Walal edde xintat miracsimak baxaabaxsa le ximmoomal walal gexisneh. Gersi xaqum ximmooma baritneh. Maasayya uktubbu hayneh mariiy marah nek gittoyseh. Tohut axawah haak kutbeh addat solsinoonâ xoqoyisi maca ceelam nubleh.

Qafár afak sagal haytoh footimak bartenit kitaaba

Ahaak gubal sidochaytô mafdaagal baritteenih tanin barittok magid takkem ceddeenim sinnik elle tagirriben qarwali siinih xayyooweh yanim kinni. Tohuk gexaak axmaq ximmoomay xayyowteh tanihiyyak Ceddeenimil asmat teelleenik (√), asmat elle aalle wayteenik(x), inkinnah cede wayten ximmo tekkek (?) astá haak qarwali kiba.

Wiliq Loowo	Axmaq ximmooma	✓	?	x
1.	Afat yan tuxxiq qaddoysam xiqah.			
2.	Mangaafâ rettemal taturtah tan farmooma qaddoysu xiqeh.			
3.	Tabsi qangor kee yasgalli qangoorut xoqoysimak maxcâ mafo xisaanam xiqah.			
4.	Faxe raceynaaniik geytimtah tan oytitte kassiisintah elle yabbixen cogda cede.			
5.	Maasayyâ kutbeh siirat dacrisak yasgalli qangoorut elle faxxim tannal xoysimak maasayya fiirisaanam abeh.			
6.	Inni buxah maraay, dariifah ayyuntaa kee baxaa baxsa le ratteemaamik meqem kaban saritak maaqiitaati gaaboysaanam abeh.			
7.	Kutbeh adabi akak dacrisak taamah ayyuftitte elle fiirisan inna cede.			
8.	Walal kaadu isi adabi leemiy elle gexsan hiyya lem kinnim eexegeh.			

Qafár afak sagal haytoh footimak bartenit kitaaba

9.	Walalal waqdi obtah tan tû mabulitte kassiisental yabbixeenim faxximtam cedeh.			
----	--	--	--	--

SIDOCHAYTÔ MAFDAGA

3. Mangaafâ retteema

Mafdagak hadaf: -Barteyniitow ta mafdaga baritteeniik gamadal: -

- Mangaafâ retteemak ayfaf kee tuxxiq qaddoysetton.
- Baxaabaxsa le mangaafâ retteemaamil taturtah tan oytitte ankacisak qaddoysetton.
- Mangaafâ retteemat axawle qangor cedetton.
- Maasayyâ kutbeh adabi dacrisakaay yasgalli qangoorut elle faxximtâ nal xoqoysimak maasayya fiirissanam abetton.
- Tu taaxagoh tan marittek manoh aydaaduu kee taamah abak raag gabbaaqettoonuuh, fiirisetton.
- Yasgalli qangoorut xoqoysimak maxcâ mafoofaa kee maxcooca yaktubeenim abetton.
- Taamah ayyufitite kaadu fiirisetton.

3.1. Inikhaytoh exxa: - ankacsu

Sin kabir inki miixiyah aytî gexxolih aydaaduy siinih gabbaaquwaa ankacisseeniik gamadal ciggiltah tan esseroora aliilih gacisa.

1. Brograam xayrektorih yan num taxxasek akah meesitem macaay?
2. Xayrektoor xayyoysé raaqem yuble waqdi xaagu isih macah xayyooyse weeh?
3. Ellecabô saaqatal ahaydumah xaagi xayyos abe wee awkay barteynah yanik xaagu acuya iyyaanam magitak tableeniik?
4. Aytî gexxo le xaagu qawaytuy asamminow gabra wolxi deqsita “say danan baxí kak cata Ayro taffoofe” akah iyyem maca edde faxakaay?
5. Loonuh yanin mihrat yacineeniik, digga haanam daddaqsitiyya xaltam kawsak alhum ascassuk qaddooya?

3.2. Nammeyhaytoh exxa: -Yaaba

- A. Baxaabaxsa le taamâ magdol xalu bahteh tan numtin amô marittee kee eglalaali televisiyoonuuy, raadiyoo kee xaagi waraakitil xayyoowak sinni abina gabbaaqaanam tamixxigeh. Ahaak afal taamâ xalu gabbaaqah tublen maritte/egla tenek kassitak footimah addal sinni kataysiisih gabbaaqa.
- B. T. elle taniinih tanin dariifal buqrel takku, saqi aydorral takku kalah taniimil xalu baahesh yan marak taamah abeexigiy xalu elle baahoonu xiqeeni qaddoysa.
- C. Mangaafâ retteemak geyten wakti caagiidal axcih, Koovid-19, Eech-ay-viiy, dacarsittoh xiinâ manoo kee ww... celli haytah taniimil butta buttah gacak walala.
- D. Mangaafâ retteemaami ane waannay qaalam ummattah xintok maaciso maca ceelak tenem siinit celtaah? Elle walala.
- E. Sinaamak manoh abak raag kee abeexig kawsaanam kawsah yan marah maca xiqtaah?
- F. Isin Taxxaseh manoh abak raagak maca baritteeniih?

3.3. Sidochaytoh exxa: -kawsa

Kawsi naharih esseroora:

Horta hortah gacak ahaak gubal ciggiltah tan esserooral walal teeniik gamadal Gacsa aba.

1. Sin dariifal mangom kawsan xaagi warkatak migaaqat yaaba?
2. Raadiyoo kee Television macattootiy (chanaal) itiyobbiiyal tanik galab xaga?
3. Xaagi waraakit kee majallootal tawqeh tan oytittek isin takriyeeniih, kicintoonum mannah tan oytitteey?

4. Isin television waktanam kee raadiyo ankacsaanamak hinnâ may kaadu xaagi waraakit yakriyeenimk maca kicintoonuuh? Macahaay?
5. Raadiyol taturta prograamitek manni prograam kicintoonuuh? Macah?
6. Televisionul taturta prograamitek manni program kicintoonuuh? Macahaay?

3.3.1. Qangor duddih Gablusiyya: - Mangaafâ retteemat axaw le qangooru

1. Ahaak gubal katayah yan Qangooruy, xaagi warkataay, Raadiyoo kee TV wagittaamih ascossal edde xoqoysimaanah yanin hiyya siinih xayyooweh yanim kinni. Ta qangor ahaak gubal boxooxocuh xayyooweh yanim kinnuk, ta qangor sinni buukul korisseeeniik gamadal kulli qangara dagal galab akak xagne mangaafâ rettemah qaynootak mare akah aallinaan exxal baxisak uktuba.

3.3.2. Qangooru

Xaagu qawaytu Rorta Xaagi xayyoosu

Isteediyo Xaagu xayyooyse Eeditoru

Xaagi mascassa Maasayya

Barnaamiji/prograamasatalayti/xiishi

Cl: -

- Raadiyo/Tv
 - Barnaamiji/prograama
 - Xaagi warkata
 - Maasayyá
2. Ahaak dagal xayyooweh yan qangooruk maqnaa kee kulli qangara elle taamittam manni exxa kinnim sin kabir siinih ascassele. Isin abteenih sukten gabbatu kabir siinih abe gacsâ luk oyboloola.

qusbam aabbe kal masna. Jappaanal baaxoh angoyyi yekkeeh, mango marih qawwaddi edde yewqe, chaynal yekkeh yan baaxoh angoyyat sinam rabte, gabbi qaxih afrikal doolat koro tekke, kee ww... tan xaagitte aabbe kal asna ayro mannu. Tannah tan xaagitteh ankactuh sahdayti baxi xaagi waraakit kawisak asaah, television maqayak asa. Woh akah abam sinaamal tekkem yol akkelê meesi akkee kee kalah yan sabab aalle yakkê may raadiyo aytik makalaay, xaagi waraakit kee television kaadu maqye kal maasa.

Tanay takkay ikkal sahdayti baxi qusbam yaabeeh, yableemih fayxi aalle waannay television kee raadiyô may ankacisaanaah, maqyaanam anuk tenem macelta. Ta dagal edde yabne mangaafâ retteemah exxaaxi doolat corgoodok currih enna tek kulli caddol Ayyuntah elayto takku xiqtam oytitte tascasse. Caylesillaaseh xintoh daban walloh ummatta qululuh elle tinnikissh tanî kel “yoonaataan ximbiibi” deqsitah yan ingliiz agattiina le xaagu qawayti abeh yaniimit akkel yabnam xiqnah. Ta xaagu qawayti itiyobbiya culak uqrat qululuh yinnikissh yan mara suuratitteugusak qaalam ummattah fooca makeh yenem kee toh itiyobbiyal nigus h/sillaaseh xintoh digloh sababak teyna tekkeh tanim baxaabaxsa le oytitte diggossah tanim kinni.

Kulli ayro xaagu massossaah, sinaamat tabissam xaagu qawa kinniimih sabbatah xaaguu kee xaagu qawa nammam mali. Xaagi yenek xaagu qawa taniih, xaagu qawa tenek kaadu xaagi yan. Xaagû may edde agxitaanaah, xaagu qawammay sinam tanim edde deqsittem itiyobbiyal Miniilik dabaanak xabba haanam kinniimit yaaban. Tohuk wadir yanih yan hayle silaaseh daban kaadu farakka haak raadiyoo kee television ayfaf edde qembimeh yan wakti kinni. Dargit amma yaanam sukteh tan mangaafâ retteemak milki doolatiimik suktem yascassen.

Toh kaadu mangaafâ retteema currikakah taamite waytannaa kee ummattâ weeqaa kee essero iroh yayyaaqeenim duude akah waan innah keenik abteh tanim kinni. Cankâ mangaafah retteemaami xeflih edde tumbulleem IPRDF daban kinnuk,

1992 press curriyyatih kukti yewqeeq gamadal ixxi keenik osak yemeeteh yanim kee ayyamal inki adda akkek alsal inki adda yawqeh yan xaagi waraakit ammagguk ymeete. Inki wakti cankah yatbiqen xaagi waraakit nabam yemê geemik amakkaquk sinam daqyatah” caxâ caffih innah yemeggeen” keenik axcuk ten. Takkay ikkah ta cankah antabbaquk ten xaagi waraakit kee majallootak mango gaba awayî wakti taamal tanim dago.

Ahaak gubal xayyowteh tan esseroora kutbeh qaddoysa

1. Baadal sahda baxaabaxsa le xaagi waraakitiy, majallootaay, raadiyoo kee television maqayaanaah, kawsaanam kee ankacisaanamat macâ tuxiq geyaanam siinit celtaah?
2. Ayti meqem taabbu xin maliy, umam taabbu xin mali iyya missili maca yascasseeh?
3. Xayyooweh yan qasiirih addal yonaataan ximbiibih migaq mannal xaggiimeeh?
4. Xaaguh xiiniy xaagah xiini iyyaanam maca iyyaanamaay?
5. Doolat miixiyaa kee cankâ miixiyak baxsi macaay?
6. Numtin amo(cagal) mangaafâ retteemaami qembimtem malqooy?
7. Xaaguh xiiniy, xaagah xiini iyya missilaa kee ayti meqem taabbu xin maliy, umam taabbu xin mali iyya missilih fanat macah angaaraw yaniih? Qaddoysa?

Ciggiilak xayyoowteh tan qangor kee maxcoocat maxcâ maafu xisak qangor kee maxcooca kiryaati addal leh tan afeyta footimah addal sinni kataysiisih uybulluya.

- a)
- b) Aybalaalaqiyya
- c) Corgoodó

- d) Qulul nikso
- e) Qaalam inki mandar yekke
- f) Caxâ caffih ixxuh gacen.
- g) mangaafâ retteemah curriino
- h) television maqayyo
- i) Xinto
- j) Ayyunti xongolo

3.4. Fereyhaytoh exxa: - Kutbe

3.4.1. Manoh aydaadih kutbe

1. Xaagi waraakit kee majallootak kawsee kee hinnâ may kaadu raadiyok ankacsek, televisionuk maqye akkuk qusbam hadlaanaah, gianaanamih xiqto leh yan/leh tan numuk manoh aydaadu fiirisa
2. Fiirissaanah tanin waqdi manoh aydaadu akak fiirissaanah tanin sahdayi elle yoobokê keey, qumrik edde yanih gideey, barittok abem kee qusbaamay abeh iyyaak adda nagay qaddoysaanam faxximta. Tonnaah, qusbaamay hadleh iyya hadaluh abeh yan macal kee tu yaanam arac elle xagse gurra baar luk taybulleenim faxximta.

3.4.2. Xer hadaf le numu

Usuk karmak 37 yan qunxa furraynuuy, migaq kaak Qabdu qiise. Ubka Qafar rakakaayak Awsi rasuk aysaqiiti magaalal abe. Qembô caddoh barittok 1-5 fan aysaqiitak simbilleh tû barittoh buxal abe. 6-7 fan dubtek awaash sheleko deqsita qemboh caddoh barittoh buxal abe. Tonnaah, 9-11 addis ababak furraynâ tubarittohbuxal barteh yanim kee 10+2 Aysaqiitak addâ xaaleh pooli tekniikih kolleejil barte. Tohuuk lakal kaadu 10+3 weyzero sihin metteebannuu kee mihrat kolleejik akkaawunti barittok dooqaysime.

Usuk Qasab dariifal qammi makeynat cateynah yeneeh, ayrook ayrok teyna tiyottâ makeynah amot taamah elle gexâ kel garciik gaba iroh rubba hee waqdi caacay gaba

isik gutqam yuble. Kaadu qagseh rube waqdi kaadu toh isik abam yuble. Tokkel qiisek xer cisab amot rade. Yi gabal ah baaha caacay qaran bagul gexxa tayyaara mannal gexi haa kaay yaanam kaal temeete. Qabdu too ayrok wadir amah elle tekkenna yaaxigeenimih fayxi haysite.

Aki ayro kaadu qabdut nagay niya haytam tekke. Woh elle tekkem anna. Kay saqlih baxah tan barteyná jenetiksi(genetics) deqsitta barittok buxâ taama teetih abankeh essero kaal xayyosse. Usuk tokkel a baritto maabiyyooy, maaxiga yaanam teetil gacse. Kay saqlih baxa wohut kaa macabinnaay, “atu ingliiz af taaxigehik yoh bicis” itteeh amrih kaal oobisse. Akak makorsitinnaay, wokkel ugutteh ten esseroora gacisuh jenetiksi kitaabih kiryaati qembise.

Tokkel gorgor john mandel deqsita awustraaliyah ubka le num qatar dariyyul abeh yan kusaaqat yabta kutbeyta kawse. Gorgor geeh yan qusba saynis geyto woo daban ten tu-taaxagoo kee missoynaani nummassay immay ayyunti garil oggol kaak geyteh mananna. wohakah tekkem woodaban woo dariifal yen ayyunti diini akke waytek saynisil yaamineenim dagelti naqabu katassaamak abaluk yenen. Tohuk gexxaamah a kasloytih kasat antifiqqime kal raaqen. Usuk rabek sarra ciggilteh tan horah saaku tu-taaxagao nammey haak gorgor kusaaqat boositteh ten. Woo kusaaqih xalu cakkumsiteeniih, ayyunti fooca maken. Woo daban ayyunti dumî horah inna hinnay yimbideh sugeeh, kusaq xalut kaxxam farciteeniih, yussukuqqeenih. Ayyunti woo tu taaxagoh faylah acwa yeceeh, fayya ken hee. Takkay ikkal woo tu-taaxago a geyto lem ken akke waytah tanim maaqarrooy, 150 liggidak дума rabe yan gorgor deqsita tu-yaaxigihim kinnim akaaluk faylah keenih yeceen maalut kay kassitih waydal edde xisen.

Qasir fan naduureeh, Qabdu tah kawseh yan waqdi kaxxa niyah uguugut abe. “Num rabaamah abem baytah matan” axcuk bagut gulluqu` ye. Gulluqut macabinnay abinah qembise. Dariifal geyah yan duyeeeyat cattimmak tayyaara bicsaanamih gabbatu qembisaanam niyaate. Leh yan niya wadaayah gabbaaqeh yan waqdi

bictamhinnak is mataqbisin kaak iyyen. Toh kaadu Qabdu niyâ diglo makkî nay haysiteh yan niyat bisoh kaa hayte. Xiqam abinah ken yayballayuh carsa haysite. Usuk Abaay ugut akah abem tayyaara bicsaanama. Too niya abinal asisak, haadidisiyyi gabbatu samara kee dubtek fanal yan gital elle abeh yan rikel tayyaarah afkun leemiy sidiicaabah gexxa dagoomintwah addat haadissiiy, oobissa hee.

Qabdu ta gabbatu takke maadisuh baxaabaxsa le gibdaabinitte kaat boodak temeeteh tanim kee niyâ maqaanee kee leh yan hadaf kaa coolassem warasa. Qunxaaneytí Qabduh aydaaduk mangom baritu xiqqa. Num niya yemqeeh, kah maclek faxeh yanim duudusu duudam Qabduk baritna. Qabdu ceelalloh haysitak aki marak nangayyay.

(Xaagu press, xaagi warakatay 2013^{uh} yewqel tewqe kutbet ossitina haak massowte)

Kawsaak ugut abak ahaak gubal ciggiilah yan qangooruh xayii maqna acuya.

1. haadiyya
2. niyâ raba
3. waydala
4. hadafa
5. tu-taaxago
6. metteebannu
7. kasloyta
8. furraynu
9. haadiyya
10. 1Kassiti

B). Ahaak gubal ciggiilah yan qangooruh sadi maqna acuya.

Ceeri

1. Nuwaaya

2. Wagari
3. guuro
4. Lakima
5. Xexxaara
6. Qunxa mariino

T). Ciggiilak sin barittoh buxah eglalik tiyak teyná doorak taamah abnisso waksiisaak tekkeh tan taamoomii kee ikraariseenih abbinooewe wayte taamoomi qaddoysah yan ayufta sin barittoh Buxah sugmentat xoqoysimak fiirisa. Fiiriseenih tanin jawaab sin kataysis siinih akah edde boositannah abak ken mablaak amakkaquk eysissi haysay uktuba.

1. Yaf yintih egla
2. Meqem abittoh egla
3. Agat baxiini egla
4. Isi baaxo ixig egla
5. Sayyoh egla
6. Dariifâ dacayrih egla

3.5. Konoyhaytoh exxa: - Yabti rakiibo

3.5.1. Abna

Abna kak yaanam maxcoh addat abina tascasse qangara. Qafar af abna farangi af kee semetiik afitte elle lennal mali. Toh aslaan abnay ingliiz afat “infinite” deqsitah iyya mali yaanama.

Ceelalloh: -

- Gexiyya
- Abliyya
- wadiyya
- Akmiyya

- Aaqubiyya w.w.w.

Maxcoocat

- Ibah gexiyyi isih xagar digi
- Intih abliyyi kaxxa aamaniyya
- Wadiyyi galato le abto

Toysa Qafar afak aslan abnah beynam abnan seeceyna kinni.

Ceelalloh: -

- Kudiyya, aggiliyya, Aamiyya, katiyya, yaabiyya, suumutiyya w.w.w...

Maxcoocat

- Awki **kude**
- Makiina qari **tiggile**
- Urri yoome

3.5.2. Amô gacsa

Mangaafâ retteema ma tuxxiq lee iyveenik tuxxiq akak baarleeh, mangoh. Yayseh yan manô makcaggur arcisoonuh, mangaafâ rettemah doori muxxo le. qusbam elle barteeni, sinni nabsi tanfiqem akak beeteenik kaadu wonna. Wagga hayna waqdi mangaafâ retteema a manol sahdayi baxah faxximtaamak tiyak teyna kinni. tohuk amakkaquk mangaafâ rettema kusaaqisaanaah, sahdayi baxih tuxxiqil assaanam faxximta tiya kinnim tambulle.

Tohut ossitinah Xaagi waraakitiiy, raadiyoo kee, televisiyoonuk fannah nan oytii kassiisental abbaxuk kutbeh elle korisna cogda kaadu baitneh. A mafdagah addal sinaamak manoh aydaaduu kee, taamah abak raag retteemaamik akkee kee, hinnâ may kaadu kalah tan raceynaaniik gaaboysak elle fiirisnam faxximtanna baritneh. Abtol aytî gexxo le marittek manoh abak raag fiirisnah nan waqdi kaadu cubbi akah aceeh meqem tanim kaadu elle nismiteh. Tonnaah, taamâ gabbaaquu kee, jawaab

kutbe elle fiirisan cogda baritneh. Abneh nan kutbe ninni kataysis ayballuk ken mabla guba haak iysissi haak yaktubeenim kaadu abneh.

Tonnaah, Qangor kee, maxcoocat maxcâ mafo xisak qangor maxcâ maafoh addal yaceeh yan maqna cednam xiqneh. Qangooruh xayî maqnaa kee, sadi maqna acayuk Qangor yafdigeenim baritneh.

Tonnaah a mafdagah addal Qafar afak yabti rakiibok abna baritne. Abna kak yaanam maxcoh addat abina tascasse qangara. Qafar af abna farangi af kee semetiik afitte elle lennal mali. Toh aslaan abnay ingliiz afat —infinitevelli deqsitah iyya mali yaanama.

Cl: - Gexiyya Akmiyya Nookiyya
 Aaqubiyya Amaatiyya Ankacsiyya

3.5.3. Amoggacsi esseroora

1. Mangaafâ retteema macaay? macâ tû xiq leeh?
2. Abtol aytî gexxo le marih aydaadu akah yaktubeenim macaay?
3. Isin Qabdu Qiiseh manok maca baritteeniih?

3.5.4. Axmaq cibta

Ahaak gubal sidoc haytô mafdaagal baritteenih tanin barittok magid takkem ceddeenim sinnik elle tagirriben qarwali siinih xayyooweh yanim kinni.

tohuk gexaak axmaq ximmoomay xayyowteh tanihiyyak ceddeenimil asmat teelleenik (√), asmat elle aalle wayteenik, (X), inkinnah cede wayten ximmo tekkek

(?) astá haak qarwali kiba.

Wilíq	Axmaq ximmooma	(√)	(x)	(?)
Loowo				
1.	Mangaafaâ retteemat yan tuxxiq qaddoysam xiqah.			
2.	Mangaafâ rettemal taturtah tan farmooma qaddoysu xiqeh.			

Qafár afak sagal haytoh footimak bartenit kitaaba

3.	Qangooruh xayii maqnaa kee, sadi maqna yaceenim abu duudah.			
4.	Faxe raceynaaniik geytimtah tan oytitte kassiisintah elle yabbixen cogda cedeh.			
5.	Qangor kee maxcoocat maxcâ maafo xisaanam abu duudah			
6	Inni buxah maraay, dariifah ayyuntaa kee baxaa baxsa le ratteemaamik meqem kaban saritak maaqiitaati gaaboysaanam abeh.			
7.	Kutbeh adabi akak dacrisak taamah ayyuftitte elle fiirisan inna cedeh.			
8.	Taamâ gabbaaqih ayyufta aktabu duudah			
9.	Inni kataysiisih farmoh ayyufta aktabu xiqah			

Ahaak dagal yan qarwalih addal xayyowteh tan axmaq ximmoomak (?) kee (x) asta elle hayten ximmooma cedi haytaanam mafdagah addal xayyooweh yan darsi sekkaacisa.

FEREYHAYTÔ MAFDAGA

4. Koovid-19 dalkaa kee kay astooti

Mafdagak hadafitte: -barteeyniitow ta mafdaga baritteeniik gamadal:

- Kooviid-19 dalkah kinnaaneey, A dalkak astootii kee kalali gititte qaddoysetton.
- Qangarâ buxuxih kinnaane qaddoysetton.
- Qangooruk addak usun kak yandarreenih yanin qangrâ digilitte aybulleetton.
- Ayyunti addal koovii-19 dalka waksiisaak tanih tan mabloomil oytal rakah gacak keemaaretton.
- Raadiyooy, televisiyoon kee xaagi waraakitik geytaanah tanin mabloomil kassiisental abbaxuk kutbeh xayyoosaanam abetton.
- Qangooruk maxcâ maafoofa xisetton.
- Kooviid-19 dalka ayyuntak ayyuntiinô fantaaxawaay, qidaddoo kee tonnaah, numtin amoh caddol baahah yan gibdaabina aybullee liton.

4.1. Inikhaytoh exxa: Ankacsu

1. Kooviid, biyak waksiisaak raadiyooy, television kee xaagi waraakitil taturtah tan farmooma ankacisseeeniik gamadal kassiisental ibbixa.
2. Tibbixeenih tanin kassiisental rakah gacak massossen kutbeyta footimah addal kabir tuybulleeniik gamadal sinni kataysiisih kawisa.

4.2. Nammeyhaytoh exxa: - Yaaba

- Kawisneh nan qasiirih addal elle noobbê nal ayyuti addal koovid-19 dalka waksiisaak badis le mabloomil tan. Toh kooviid-19 niqin baaxoh mara miyabbixa itta mablak xabba haanam mango tû mabulittey ayyunti xogga tibbixeh iyya tan. Tah dubuk hinnay kalah tan akkalittey ta dalka waksiisaak edde yaabaanah iyya tan. Isin butta buttah gacak ta tû mabulittel siitalluk walala. Walal gexissaanah tanin waqdi saddan mabloomil kee qokoltan mabloomil akah qokoltaanam kee akah sadaanam sabab edde haak qaddooya.

- Nammay nammayah gacak Kooviid-19 dalka ayyuntiinooy, qidaddoo kee numtin amoh caddol kaadu katassu duddah tan gibdaabinal baar luk walala.
- Sin dariifal koovid-19 yibbixeh yan marah mannah yan hanaawi abaanaah? Elle walalaay mabla siitat tabisa.
- Kooviid yibbixe mara inkiih qidannaa waddimtam tanihiyy? Elle walala.

Kiryaati naharih esseroora: -

A. Ahaak gubal xayyowteh ta esserooral butta buttah gacak walala.

1. Kovid-19 macaay?
2. Kovid-19 mannal tabaah?
3. Kovid-19 dalkat elle kalalitoonu xiqaanam mannaay?

B. Walalal edde cabteenim buttâ saqalih gambiik footimah addal sinni kataysoosuh xayyooya.

C. Ahaak gubal inki nammeyhaytôcaddoh barittoh buxal 9haytô footima barsah yan barseynit “Koovid-19 dalkah kinnaaneey, A dalkak astootii kee kalali gititte” iyya ammuntal gexseenih yanin walal siinih xayyooweh yanim kinni. ta walal kawisseeeniik gamadal kawsak ceddeenim isin walalal ugusseenih tanin mabloodi luk agaarada.

4.1.1. Koovid-19 dalkah kinnaaneey, tet astootii kee aftabi gititte



Miic1.5. Koovid-19 dalkaa kee, kalali cogdaadi

Barseyna Cagar

Asaakî walal miraacisaanamih idu lem yoo kinniimih sabbatah Aakamal walal edde gexisnah nan waktil akkel geytimteenimih nabam kulsa le gadda siinih gacsa.

Asaaku “**Koovid-19 dalkah kinnaaneey, A dalkak astootii kee kalali gititte**” iyya ammuntal walalenno.

Tohiih sabbatah walal adalkak kinnaane waksiisaak mabla yaceenimik qembisenno.

Barseená Casná

Kooviid-19dalka akak iyyaanam koroona akak iyyan vi-resik tamaate tabaatabta dalkó kinni.ta dalka qemboh elle tumbulleem chaynah baaxo kinnih tan waqdi chaynak yuuhaan deqsita qunxa mandaral tumbullee. Tonnaah “koovid” iyyaanam A lakimah elle seecan migaq kinnih tan waqdi -19 kaadu adalka akah tumbulleem qado marih liggidih loowok 2019 kinnuk too akah yumbulleeh yan sanatih ascossa taybulleem kinni. tokkeey takke a dalka qaalamal sissikuk baxacak mango seehadah qawwaddi teyyeeqeh tan tabaataba dalka kinni. tohuk gexxaamah baadak qaafiyat eglá ta lakima “Qaalam dadhe lakima” iyyaanamal muggaaqissem inkih naaxige tiya kinni.

Barseyna Cagar

Barseyná Casná Kooviid-19 lakima waksiisaak baarle addá fakootuy kaxxam meqehiyyay mangom akak baritne neh abte. Ciggiilak kaadu A dalkak astootii kee elle tabaatabta gitittel walallek meqeh.

Caawino Qali

Koovid-19 dalka akah noobbennaah, qaalamal sissikuk baxacak geytimta dalka kinnuk a vi-ros naharaak sahdaytuk afaay, sanaay, intii kee kalah tan xagar exxaaxik cula. Ta vi-ros xagarat culeek wadir addal xalak malaayin yakke. Xagarat culeek gamadal kaadu 2 ayrook xabba haanamaay 14 ayroh fan xagarat ambullee kal sasak sugam duudah. Inki inki marat kaadu 5-7 ayroh addal yambulleem duudah. Qasooy, Qoofuuy, kacuwuuy, moyyâ berraay, xagar taqabbii kee qunti biyak kaadu adalka astootiy elle tamixxigeh iyya kinni. a dalka numut elle tabtam saytunaane sinnih tan gabat afaay, san kee inti isik

xagah yan waqdi kinnuk numukooy numut elle tabaatabam kaadu afti ufuyuu, qunxuffeey, gabâmacoo kee gaaboyna kinnih tanim timixxigeh. Tonnaah, abiyak nadaafattâ sinnak sinam raarisa. A biyak akak yamaateh yan vi-ros elle yandarrem nadaafatta sinni arooca.

A biyak yaqunxoonu yanabboonu, sayyoowonu labboowonu abbixe waah yan mara mali. Takkay ikkah karma akak warrayteh tan maraa kee dumaak xagarat gersi lakimih urar luk sugah yan mara lafam kaadu timixxigeh. Eddeey, eddey sukkaaray, lubbi biyak kee qabli manga le mara lafam warsan. A dalkak kalali gititteh tu-gactek naharsitto nadaafatta dacrisaanama. Gaba inki saabunut kaqlisaanam kee kaqlise ween gabat sanaay, af kee inti xagaanamk daccarsimaanama. Tohuk muxxi kaadu gabâ macook daccarsimaanaah, sinam elle mango tico le arooca gexe waanama. Inkinnah aysuk raqtam kaadu sinni buxak angayye waanama. Tohut ossitinah abiyaakak aftabi geytimeemih sabbatah aftabu haysitaanama. Aftabi xagarat biyak ruqsusu nek ginaamih sabbatah cooviid-19 dalka nek waasam xiqah.

Barseyna Cagar

Cooviid-19 dalkak astootiyy, akak yamaatu xiqaamaay, elle tabaatab gurraa kee kaak elle kalaltan migda Barseayna Caawino qalii meqe gurrall neh qaddoyseeh. Asaakî walalk amo xambaqak afal ossitinâ mabla le mari yenek saami siinih aceeyyo.

Barseyná Casna

Anu caawino qalii oobise mablat ossam liyo. Akah noobbennaah, koovid-19 biyak akak yamaateh yan coronah-viros xabcin arac kee lee naba (lee le baaxo) kicna. A vi-ros andorraah unaanal laftam timixxigeh. Takkay ikkah xabcin baaxol lafta iyyaanam niqin baaxoh mara miyabbixa iyyaanam hinna. Ni dariifal sinam axcih naabbem tan. Toh Koovid-19 biyak niqin baaxoh marak kalam mali itta mablax ayyunti xogga tibbixeh iyya tan. Toh ayyunti misinkicak kaqaltam faxximta mabla kinni.toh kah kinnim ahaydumah saynis gital yismiteenimiy a biyak niqin baaxol marada, akak iyyeeni ane waytaamih sabbata.

Ossitinah koovid-19 lakimat yabnek bagut akak rade kal gexe waanam tan. Toh qaalamal qidaddô taqabiy katayseh cabeh iyya kinni. a biyak radeemiiya akke qaalam siitak yirgiqeh cabem kinnuk, kulli baaxo qaraanaay baaxoh inkih issi cudud edde alifteh tan wakti kinni. toh kaadu qadaagâ murtithey baaxook baxo fan culak tene deesseh ten abtok ten. Tohuk gexxaamah qaalam mango kasaaarah edde kasaariteh yan wakti kinni. eddeey agambiik dadalta baaxooxa kaxxam edde biyaakitem tamixxigeh. Ta kasaaray qaalam edde culeh iyyak yawaquh a biyaakak kalali cogdaadi numtin amoh caddol abbinoyasak a biyak baaxok yayyaaqeenim kulli numih qaaqa nek takkem faxximta. Gersittoh tanim a biyak mango marih qawwaddi yeyyeeqem dirab malí may, abiyak yibbixeh mari inkiih diiko morba. Tootiya yasmitteenim faxximta. Inki inki dariifal sinam conxoh qaxbaxxaagittam tambullee. A biyak edde radah yan marak booluk 98 gaba urtah. Saytunaan dacriseeniih, sinni buxal daffeenik abiyaakat kalalitaanam duudumtah.

Barseyna Cagar

Koviid-19 dubuk xabcin baaxo hinnay niqin baaxol edde yabbixem xiqalakima kinnih tanim Saqid madiinah tû mmabuluk cedneeh. Asaakî walalak amogacisnah nan waqdi Koovid-19 akak iyyaanam koroona-viros akak iyyan vi-rosuk yamaate quduri kinnim nubleeh. Abiyak qemboh addah elle yumbulleem chaynah baaxok yuhaan deqsita qunxa mandar kinnih tanim kaadu noobbeh. a dalka numut elle tabtam saytunaane sinnih tan gabat afaay, san kee inti isik xagah yan waqdi kinnuk numukooy numut elle tabaatabam kaadu afti ufuyuu, qunxuffeey, gabâ macoo kee gaaboyna kinnih tanim neexegeh. Qasooy, Qoofuuy, kacuwuuy, moyyâ berraay, xagar taqabbii kee qunti biyak kaadu a dalkak astootiy elle tamixxigeh iyya kinni. saytunaane dacrisaanaah, gaboobi sittal acee waanam kee kobox elle mango aroocak axxaaruk sinni buxal daffeyitaanam kaadu adalak kalali gititte kinnim cedne. Toysa aayyaamih daffeynak tamakkel gaba kalle.

(ugtumâ mabla: xaagu press xaagi warkatak, 5haytô biló)

4.2. Sidochaytoh exxa: - Kawsa

Kataytah tan esseroora kiryaatiy abteenih iyyaak ugut abak aliilih gacisa.

1. Kooviid-19 lakimi qemboh elle yumubulleem ma baaxooy?
2. Tabaatabta dalka iyyaanam maca iyyaanamaay?
3. Kooviid-19 dalkat elle kalalitoonu xiqaanam magurraay?
4. Kooviid-19 lakimak “qaalam dadhe lakima” akah iyyeenim macaay?
5. A biyak naharaak sahdaytu mannal yabbixeeh? Numuuk numut elle tabu xiqam mannaay?
6. Kooviid-19 lakimi yibbixe maral mannah tan astooti tambullee?
7. Koovid-19 lakimat lafet luk biyaakittam mannah yan maraay?
8. A biyaakat mannal kalalitaanam xiq naah?

Ahaak gubal xayyowteh tan esseroorah xayyowteh tan doorititteh addak kawsay abteenil rakuh gacak ceelah yan raddi doora.

1. Koovid-19 lakima waksiisaak gitat ane waytam anni mablaay?
 - a) A dalka lafet elle lem xagarat lakmi urar le mara.
 - b) Qunxa mara inkinnah miyabbixa.
 - c) qemboh elle yumbulleem chaynak yuhaan deqsita qunxa mandara.
 - d) Inkih gacsa
2. Koovid-19 lakimak giffita astooti macaay?
 - a) Kacuwu
 - b) Qoofu (ufuy wayti)
 - c) Amôberra
 - d) Qunti biyaaka
 - e) Qaso
 - f) inkih gacsa.
3. A biyak sahdaytuk xagarat culeek gamadal astá aybullee kal magideh wakti suguDuudaah?
 - a. 2- 12 fan xagarat ambullee kal sugam duudah.
 - b. inki inki marat 5-6 fanal elle yambulleem duudah.
 - c. A kee B gacsa.
 - d. gacsa mali.
4. cooviid-19 dalka sinam elle tabbaxu xiqtam mannaay?
 - a) kaqlise ween gaboobit afaay, san kee inti xagaanama.
 - b) nadaafattâ sinnak sinam yabbixe.
 - c) gaboobi siital yaceenimik sinam yabbixe.
 - d) inkih gacsa.
5. koovid-19 dalkakat elle kalalitoonu xiqaanam mannaay?
 - a) kaqlise ween gabat sanaay, intii kee af xagaanamak daccarsimaanama.
 - b) gaba kulli waqdi saabuunut kaqlisaanama.

- c) nadaafatta dacrisaanama.
 - d) sinam elle koboxxa arooca gexaanamak sinni yabbixeenimi.
 - e) inkih gacsa.
6. inki biyaakita numul qoofuuy, kacuwuuy, kaxxa qasoo kee qunti biyaakih astooti tubleenik, ta num mabiyak le axcettoonuuh?
- a) HIV-EEdisi
 - b) Koovid-19
 - c) Taasa (TB)
 - d) gacsa mali
7. Kooviid-19 biyak mannah yan gibdaabina kataysu xiqaaah?
- a) Sahnâ qawwaddi yayyaaqe.
 - b) baaxok qidaddo boolaysa.
 - c) seehadal misinkicâ taqabi baaha.
 - d) ayyuntiinoh angaaraw yargiqe.
 - e) inkih gacsa.

Kawsaak ugut abak ahaak gubal ciggiltah tan esseroora “numma” axcek “diraaba” axce akkuk gacisseeniik gamadal akah itten sabab edde xayyoysak gacsa gacisa.

- 1. Koovid-19 biyak barnaba mara akke waytek qunxa urru miyabbixa.
- 2. Koovid-19 biyak aftabu kaak haysiteenik wadir aki cibaarih waam mali.
- 3. Kooviid-19 dalka muxxi muxxi lafit elle lem xagarat lakmi urar le mara kinni.
- 4. Koovid-19 qemboh elle geytimem jappaan baaxo.
- 5. Nadaafatta dacrisaanam kee kobox elle mango arooca gexe waanam kooviid dalkak sinam kalaltu duddah.
- 6. Kooviid-19 biyak edde rade mara inkih maqida.
- 7. Biyaakak deelimna iyyeenih sanal santi saro haanam sinaamak sakkitaanam sinam celsissam kinni.

8. Kooviid-19 dalka tukkaloot taallay immay qaalam mango ixxiga akak geer raaqe.
9. Koroonah dalka barte sahaytihi caylaa kee teknoolojil inkihi foocat tan baaxooxaay kinnihi wayyalisseh.
10. A dalka guftekkel soolisoonuh kulli num isik qambalsimtaamak yawqem dirki kinni.

Ahaak gubal “A” gubal xayyooweh yan qangor “B” gubal xayyooweh yan qangoorû luk ramaddoosa.

A

1. ----- Qaxbaxxaagó
2. ----- Gaaboyna
3. ----- Cibaari
4. ----- Ticó
5. ----- Warrayiyya

B

- a) Ceyná
- b) Daawe
- c) Koboxu
- d) Daccarsimiyya
- e) Taturiyya

4.3.Fereyhaytoh exxa: - Kutbe

Tahak ciggiilak kutbeytah addak tewqe maxcooca isinni maxcoocat korisak nammey haak uktuba.

1. Afaay, san kee inti kaqlise ween gaboobit xagaanam koovid-19 gadda sinam abta.
2. Sahdâ elle mango arooca gexaanamak issi nabsi yibbixe num a dalkak nggoowam duudah.
3. Kooviid-biyak barnaba maraa kee xagarat lakmi urar luk suga marah gaca.
4. Kooviid-biyak qunxa num cabtam hinnaay, kaxxa numuk waali gactam hinna.

5. A dalkah dalkitem inkih marabtay waddimtam leh.

Ahaak gubal xayyowteh tan kutbeytah addak yewqeh yan qangoorut maxcâ maafó xisa.

- a) Dad-hó
- b) Cibaari
- c) saytunaane
- d) Lakima
- e) Aftabu
- f) Ayyuntiino

Ahaak gubal xayyooweh yan qangor fakut tan aroocal kibak ciggiltah tan maxcâ maafófa duudusa.

Qadad

mango

Cibaari

dadhe

Urar

saytunaane

elle

ossobba

1. sinni mari qaalamal koovid-19 dalkah rabe.
2. Mari itiyobbiyal a biyaakah tinnikissem kee rabtem yekke.
3. A biyak xagarat lakmi..... le maral lafta.
4. Sinnik dacriseenik koovid lakimak naggoowaanam xiqqimtah.
5. Ah qaalam..... Biyaaka.
6. A biyak naharaak..... Yumbulleem chaynak yuhaan deqsita mandara.

Qafár afak sagal haytoh footimak bartenit kitaaba

7. sinna mangom numuk amoh bahta.
8. Aalle waanam le numuk lafta num mali.

4.4.Konoyhaytoh exxa: - Yabti rakiibo

Ahaak gubal roorisneh nan Qangor aggaluk qangarâ buxux kee qangarâ digloytal baxisseeniik gamadal ceelallol siinih elle nescessê nal qarwali addal daffeysa.

Loowo	Qangara	Qangarâ buxuxu	Qangarâ digloyta
1.	Intiita	Inti	ita
2.	Feeraari		
3.	Lakmisiyya		
4.	Barseyna		
5.	Wadah		
6.	Wadaytu		
7.	Qidiino		
8.	Ibbixi		
9.	Geyto		
10.	Meqenxici		

4.4.1. Qangarâ digloyti macaay?

Qanagarâ digloyta akak iyyaanam dubuk isi cagalak soltam duudde sinniih, xongooloolâ koboxut xissimtaama. Is dudda leh yan afeytaay dubuk cagalta taallem madudda. Qanagarak ceelallo neh takkem xiqtam Qale, daqaara, kuta, cul, qid, ww tanih tanim kinnih tan waqdi Qangarâ digloytih ceelallo neh takkem xiqtam eela, eyna, eeyyo, wa, enno, ele ww. Ta dagal nable ceelalloolak qangor aracak daffesne ceelalloola afeyta leeh, dubuk soltam duddam kinniimih sabbatah ken cednam dudnah. Takkay immay Qanagarâ digloytih aracak daffesneh nan ceelalloola dubuk afeyta leemiy cednam duude wayna kinniimih sabbatah nagay ken kah nasmitennah qangoorut ken xakabak ablenno.

Ceelallo: -

- Gita gititte
- Laa Sinlaa
- Gex Magexa

Kemo

1. Wadirit kafa gexenno
2. Aydakaakanis -iyva
3. Foocat kafa Magexa
4. Tetsaro

Qanagarat wadir kee fooca le katuk inkih kafah yan digloyti qangarat ossah yan afkan kee afeytaak ugutak namma aracal kurruuma. Tohim

1. Afeyti digloya
2. Afkan digloyata

Qanagarâ digloyti namma aracal kurruuma Afkan digloyaata kee afeyti digloyatal Kurruuman. Afeyti digloytih waqdi qanagarak afeyti korah, afkan digloytih waqdiyy makora. Ceelalloh: - Afkan digloyata: - gexeyyo, gexah, gexeh.

Afeyti digloyta: - Cabeyna, Kudiyya, Fileyna

4.5.2. Amô gacsa

Fereyhaytô mafdagal Koovid-19 dalka maca kinnim, macak tamaatem, teetik astootii kee kalali gititte nubleh. Teetik kinaanet ybaneh nan waqdi a dalka fiirik chaynah baaxok yuhaan deqsita qunxa mandar baxal tumbulleeh tanim kee tohuk wadir qaalalmal fixixxeh tanim nubleh. Qanagarâ maqna nubleh nan waqdi, Koovidi yaanam a lakimi akak yemeeteh yan vi-ros migaq tascasse qangara kinnih tanim cedneh raqne. Tohut axawah haak kaadu, -19 a biyak edde yumbulleeh yan wakti axcih qado marih liggidih loowok sanat 2019 ascossa kinnih tanim nismite. A dalka num elle tabbixem saytunaane sinni gabat afaay, san kee inti xagaanah yanin waqdi kinnih tanim nubleh. Numuuk-numut elle tabtam kaadu gabâ macooy, afti ufuyuu, qunxuffee kee ww... taniimik kinnih tanim nubleh. A biyak kulli mara yabbixeh yan waqdi lafit elle lem xagarat lakimi urar leh yan mara kinnim kaadu cedneh. A biyak kaadu lee nabaa kee xabcin baaxol lafitay immay niqin baaxol edde sinam yabbaxu duuda biyak kinnih tanim nasmatu xiqneh. Kooviid sahdaytuk xagarat culeek lakal 2-14 ayro fan xagarat sasu duudah yan waqdi inki-inki marat kaadu 5-7 ayrol elle yamballayu xiqam nubleh. Kaak astootit yabneh nan waqdi qoofuu, kacuwuuy, moyyâ berraa kee qunti biyak yaybulleeh yanim nubleh. A biyaakak elle kalalitoonu xiqaanam kaadu sinni saytunaan dacrisaanaah, gaboobi inki saabunut qaqlisaanam kee sahda elle mango arooca gexaanamk sinni yabbixeenim kinnih tanim nismiteh. Ta dalka wasiisaak ella caboh is, aftabu leh tan dalka kinnih tanim kee, aftabu a kak haysiteenik xagar ruqsus cayla baahaamih sabbatah a kak naggoowoonu xiqan biyak kinnim nuble.

Aki gambik kaadu qangarâ digloytaa kee qangarâ buxux maca kinnim nubleh. Hohut axawah haak qangâ digloytaa keeqangarâ buxuxih fanat yan baxsaa kee inkittinaane ceelallo edde haak nuble. Qagidak ayyunti addal kooviid-19 waksiisaakayyunti addal tanih tan tû mabulittel oytal raku

gacak keemaari gexisneeh, walalleh. Qangooruk maxcâ maafu xisaanam abneeh, wakti caalat waksiisaak raadiyooy, Tv kee xaagi waraakitil taturtah tan farmooma kassiisental abbaxuk barseyna nuybulleeh. Footimah addal kaadu kutbeh xayyoysak kataysiisí luk elle walalleh.

4.5.3. Amô gacsi esseroora

1. Qaalamal tabaatabta biyaakittee kee Koovid-19 sitta elle celtam kee elle baxsimaanam ceelallo edde haak qaddoysa.
2. Koovid-19 baaxoh caddol baaheh yan gibdaabinitte roorisak addâ fakoot akak aba.
3. Kooviid-19 kalalu wagittaamal postar bicissi haysay sin kabir kee sinni kataysiisih footimah addal uybulluya.

4.5.4. Ixxigâ miidaanisiyyih cibta

Ahaak gubal konoyhaytô mafdagal xayyowte barittok magid takke ixxiga geyteenim elle xayyossan qarwali siinih xayyooweh yanim kinni. kulli makeelisseoh ximmok fooat yan aracal ceddeenik waytam tismiteenik () asmite wayteenik (), inki katuuk edde rade wayteenik kaadu(x) asta haak, qarwali kiba.

Wiliq	Axmaq ximmooma	(√)	(?)	(x)
Loowo				
1.	Kawsak lafa le madma kawissi heeh cedeh.			
2.	Barittok kinnaanee kee tuxxiq qaddoysaanam abu xiqah.			
3.	Kaarib kee tukkaloot baxxaqisu duudah.			
4.	Uddur kee abni yaakumik ciggil dacrisak aktabu duudah.			

5.	Sahlin maxcâ maafoo kee xerribuh tan maxcâ maafo aktabu duudah.			
----	---	--	--	--

KONOHAYTÔ MAFDAGA

5. Tasgalle barittó

Mafdagak amolladi hadafitte: barteyniitow ta mafdaga baritteeniik gamadal:

- Baritto kak yaanam maca kinnim qaddoysetton.
- Barittot yan faydat ascassetton.
- Barittok caddok caddabna warsetton.
- Qangooruh siita ceelay kee sadi maqna acetton.
- Baxsa le amogexaaxil xayyowta mabloomi nagay ankacisak farmo keenik qaddoysetton.
- Dacarsittoh xiinak barittô gabah assagolla wagittaamal tû mabul siitat tabsetton.
- Qangooruh saanih le afeyta acetton.
- Uddur kee abni yaakumik ciggil dacrisak yaktubeenim abetton.
- Baxaabaxsa le maxcâ maafô qaynoota xisetton.

5.1. Inikhaytoh exxa: Ankacsiyya

Sin kabir siinih kawisuwaah yan “mangom edde macleenim kee qunxih barite baxa” meqekkel koo tayfoofee” iyyah yan kawsa ankacisseeeniik gamadal ciggiltah tan esseroora aliilih gacisa.

1. Mangom edde macleenim kee qunxih barsiten baxa meqekkel koo tayfoofe akah iyyaanam macaay?
2. Doogisa dubuk yaabissam macaay?
3. Nanu elle nan baadal seehada taturteh iyyah yan waqdi mannah yan taturuuy?

4. Alsittê gexso beytah xexxar le baaxo saaqatat gufaana iyyaanam maca tascasseeh?
5. Xerim xayyoyseeniih, alla gari abeeni iyyaanam maca tascasseeh?
6. Doogisa tatrah yan baadat baxa matrisituwaa iyyaanamat maca faxaah?
7. Innih ekke num atu takkeemik akak kaak iyyaamay, yakkem kaak faxe waa mannah yan numuuy?
8. Ambaxe sinni gurumbâ maalu iyya waqdi maca iyyam faxaah?
9. Gaddito yabbaw kok afak tewqeeh, yok bagut sukte itta maxcot maca yascasseeh?
10. Ixxiga ifuuy, iggima dite iyya qafar missili maca yascasseeh?

5.2. Nammeyhaytoh exxa: yaaba

Ahaak dagal “kaaribi” iyya amottabul sigaara yaaqubeenim kee kaat yakmeenim qunxaaneytal katassah tan gibdaabina baritteenih.

B) sin dariifal qunxaaneytaa kee kaarib mannah yan angaaraw leemil walala.

T). kaaribit culeh yan qunxaaneyta edde culeenih yanin kaaribik ken elle yayyaqeenim xiqqimta malah siinih seeceenik maca elle gacsettoonuu? Maca abettoonuu? Butta buttah gacak elle walal teeniik gamadal buttâ saqoltih gambiik, footimah addal walalal edde cabteenim foocal awaquk xayyoysa.

5.3. Sidochaytoh exxá: - kawsa

Kiryaati naharsih esseroora

1. Bartaanamat macâ faydat yaniih?
2. Say baxó barsaanamat macâ faydat yaniih?
3. Ni baxol baritto macadot taniih?
4. Baritto kulli marah akah iyyaanam macaay?



Miic, 1.6. xagar aymaa kee, nadô caalat barittô buxal

Tû baritto kulli marah inta itro a edde nan daban baadak kulli aracal ugutta itro kinni. Ta itro kulli baaxol akah uguttam, tû baritto dadal kee assamaqak rakiibo kinniimih sabbata. Barittó ixxiga edde geyan mansafa. Ixxiga sinnim inkinnah muquk takkem matana iyyeenik, diraabah moorobta.

Ixxiga, yaabam faxa numuh arraba takke, qedeb faxa numuh isi silac takke. Yabqurem faxa numuh isi aalat takke, ww. barittot geyan ixxiga numuh akke wayya haytam mali. Barittot cule weenum: hinnay kaadu qunxa caddol fanak tet cabe num edde yaamem isi nafsi. Barte numuh marin baaxo kay baaxo kaah takke. Bartewee num isi baaxol qibnaytu yakke. Barita kaak axcuk barite cine numuluuy, Qafar qeexok warissa missile yamaate. Qeexo aquba iyya numuk yaaqube numuh tayse. awayî wakti baadal aktube-waah akriyewaa mari anewaagî dih, kaxxa macal akkuk geytima. F.L. Loowok 2015^{uh}, mango baaxooxa ninni addal too mara arac cabsiisenna yaanamih xagana culeenih geytiman. Ni baaxo itiyobbiya too xagana culte baaxooxak tiyak teyna. nee takku nigaru takku toh aracat elle haynam fannam barissok/baitiyya kulli marah ingki gidel gufsaanama. Oytitte elle tascassennal nibaaxol uxih yaanam, qumri kak barittot hee canxowwaay, xagar aymá le marittee

kee sayyok mango gaba baritto geekal tan. Itiyobbiyal xagar ayma leh yan urruy karma akak barittôcaddo maaddek qadad miyamixxiga.

f.l.l 2011^{III} qalam bankii kee qaalamak qaafiyat eгла (WHO) teyyeeqeh tan oyti elle yascasseh yan innal, qaalam ummattah qadadak 15 gaba takkem xagar ayma leh yan mara kinnih tanim yascassen. Ta oyti elle yascasseh yan innal kaadu itiyobbiyah ummattak 17.5 boolul takke seehada xagar qelesa leh tan maritte kinnih tanim yascassen. Xagar aymá leh yan canxowwi barittô buxá guubuk leh tan xexxar tekkekiy, ayyunta addal tanih tan uma mabloomlik gexxaamah mango gaba keenik baritto magenna. Xagar ayma leh yan urri elle bartah yan barteynit kitoobaa kee ken barissaamih xiqto leh tan barite kabirwah dagna kaadu sababak teyna. awayî wakti xagar ayma leh yan canxowwak bartaanamih saami geytem booluk 4 gaba kinnim oyitte nummassa. Toh kaadu doolat kabuk akah yekke bici boola leh yanim taybulleem kinnuk iggimat yakke gaadi xalu baahuh yibbixen ikraaro arac xage kaluwaytaamak tiyak teyna kinni.

Tonnaah, saymaray inkih yan ayyuntak arqoh yani baxaabaxsa le sababitteh, barsiyyak baritiyyih gexsot faxxiimah yan gabah assagolla aallewaayan. Eddeey dacarsittoh xiinâ sayyo dacarsittô manoh gibdaabinaa kee qaadat axawle tummabulitteh adaf edde gaccayeh mango gaba keenik baritto tammoyse kal tan. Iggima baysoonuh yakkeh yan gaadi arac xagu duudam kaadu faxekkel ta dagal galab akak xagne erkenna le marittee kee sayyo barsiyyak bartiyyih gexsitiit ambaad le gabah assagolla akah yaallen innah aban waqdi kinni. Kimbro elle haaddu duddam namma galih asgoyyaay, ayyunti bisô maxcol dadalu duudam sayyô gaba edde tangayye waqdi. Baritth tan sayyo ayyuntak ifuuy, dadalak qamid kinnuk sayyok barittô gabah assagolla fayya hoonuh doolat kee baxaabaxsa le ayyunti exxaaxi siitalluk macaltam faxximta.

(ugtumâ mabla: agatak barittô daddos kee ikraaroh buuku)

- A. Xayyooweh yan kawsal rakitak ahaak gubal xayyowteh tan maxcooca gitat tenek numma ixxicaay, gitat ane waytek diraaba axcuk gacisa.

Qafár afak sagal haytoh footimak barteenit kitaaba

1. Say baxá barsaanam ayyunta barsaanama iyyan waqdi diraabah sinaamak moorobta.
 2. Ixxiga numuh gexuh ariiqo takkeeh, yaabuh kaadu arraba numuh takke.
 3. Barte numuh kulli baaxo kay baaxooy, barte weenum isi baaxoluuy kinnih, qibnaytu.
 4. Saymaraa kee xagar ayma le marak barittô gabah assagolla maqarroysaanam iggimat yakke gaadu arac xagsissu duddaama,
 5. Inki inki dariifal tanih tan mblah umaane qelela leh yan canxowwa baritto tammoysi mahanna.
 6. Sayyok barittô gabah assagolla fayya hoonuh doolat kee baxaabaxsa le ayyunti exxaaxi siitalluk macaltam faxximta.
 7. Daddos taamoomiy tikka tak qamidih tanim tû baritto.
- A. Ahaak** gubal “B” gubal yan qangor “B” gubal yan qangoorulluk ramaddoysa.

A	B
1. _____Ixxiga	bisô
2. _____Raabiti	maxco
3. _____Xagar aymá	kasa
4. _____Dadala	qelela
5. _____Tuxxiiqi	oggolu

nafqi Ahaak gubal kawsa addak tewqeh tan maxcooca sinni maxcoocat korisak nammeyhaak uktuba.

1. Bartaanamih gar sahdak sahgaytiinô gar kinnuk kulli numuh xaggursumtam faxximtam kinni.
2. Xagar ayma le canxowwi xagar siitat le canxowwak muxxi hanaawi faxa.
3. saymará barsaanam inkih yan ayyunta barsaanamak loowimta.

4. Qeexo aquba iyya numuk yaaqube numuh tayse akah iyyan innaah, bartanam le numuk akah taysem mali.
5. Barittô mexxatak naharaak, baritto wadbisaanam taakume.
6. Xagar ayma le urru barittok iro abaanam mablah umaane
7. Canxowwah kibbiimam faxximta rakiibô fayxik tiyak teyna tû bbaritto.

5.4. Fereyhaytoh exxa: kutbe

Ahaak gubal ciggiltah tan maxcooca kawsi addal leh tan afeyta taybullee maxcâ mafoofa xisa.

1. Xagana culen
2. Xaylo barsiten
3. Erkenna leelâ baritto
4. Bartanamih gar
5. Qumri kak barittot hee canxowwa
6. Ayyunti mablah umaane
7. Dacarsittoh xiinâ mano

Ahaak gubal xayyooweh yan yasgalli qangoorut xoqoysimak maxcâ mafoofa siitat xakabak maxcâ mafo uktuba.

- | | |
|------------------|--------------|
| A. takkay ikkah | E. ossitinah |
| B. akkiy... akki | F. lih |
| C. kee | G. fan |
| D. innah | |

KAARIBI/WALFI



Miic, 1.7. sigaaraa kee, tukkalootu

Sigaara yaaqubeenim kee kaat qaxxiyaanam mango marih garil faydá edde yakkalen abtó hinna. Sigaara yaaqubeenim kee kaat yakmeenimit hebeltô tuxxiqiy geytimah iyya miyan. Tukkaloot akke waytek tuxxiqik tu edde ane waytam kaa xaga mariiy kinnih wadah. Mawaqdiy, a kaaribik awaquwaam axcuk cisabbootaanam keenik tambulle. Kaarib inki adda edde culeeniik wadir xeh akak yawqeenim akke waytaamih sabbatah mango mari edde culeek wadir akak yawqoonu dudewaanam tambulle. Sigaarâ maqub kee kaat qaxxiyyot cule qunxaaneyti mangoh.

Too qunxaaneytak numukteyni kaloyta. Kaloyti wagga heenik qaxmiqoy lucluctah yani kinnih tan waqdi, wohuuk ossobbah yayse cataytuh yan duubali baxa. Usuk sinam kaak ruffu edde axce waytaamah inki qamal le. Toh xakak sinna Qembiseh yan taama selekal fanaak finqita. Gexoh kaa waalan waqdi kaadu yuduureh suga. Data buuti ceela sokat usuk kinni num kaak warsah. Gexxa-gacca akah abam essero kaak mafaxxa. Yaduureh yan waqdi afak kaak yawqe suruy abak sugem maca kinnim kaak yaybulle.

Kaloyti kaat yakmeenim kee sigaara yaaqubeenimit kaa culussem elle cate dariifal lih yembeh yan waday kinnih tanim warsa. Xeflih kay waday taamak edde yaqrufen ayroora kaatal tatrusaanah yaniinim kinnuk tonnal edde culeh yanim

warsa.Sigaaróyaaqubeenim magaaliyyooy, kaat yakmeenim xagar anfaaraaga axcuk kaaribit tonnal culem kaadu warsah.Takkay ikkah away kaloyti sigaarâ maqub kee kaat adoobi tukkaloot lem cedeh.Sigaarâ maqub kee kaat adoobi taamâ kakanu sinam cabsiisaah, tutaan leela sinam aba.Sinni xooqul orbiseenim finqi gadda sinaamak aba.Sinaamâ luk meqe angaaraw kee fantaaxaw haysiti sinam mahaa.Wohuk inkih qaafiyatah gaca.Gublô biyaakaay, taas kee kansar inkih sigaarah uraarak sinam tabbixe biyooka.

Kaloytiiy kinnih, gublô biyaakak gexxaamah xaktaaral sugeh yanim kee dawa akak beyak geytimah yanim warsa. Kaloyti qunxaaneytah tatusah yan farmo lem warsa. Sigaara yaaqubeeh, kaat yakme qunxaaneytak qari mara yakkeenimik afal kaaribik sinni yayyaaqeenim faxximtam yascasse. Ligdo le qunxaaneytay sinni ayyuntaa kee sinni baaxoh dadal ariiqo yakke takkoonuh kaaribik curri takkeenim faxximta.

(ugtumâ mabla amcaraafak 5hytô footimah kitaaba).

Ahaak dagal xayyooweh yan kawsih addal gubal fiira akak tan maxcoocah xayî maqna gorrisa.

1. Kaat kee sigaarâ yaaqubeenim tukkaloot akke waytek tuxxiqih bahtam mali.
2. Kaaribit culan waqdi sattâ goranah edde culoonay immay edde cisabbootaanam tambulle.
3. Kaarib yaymaggee marak xagar xakak maaba.
4. Kaarib sinni xooqul orbiseenim finqi gadda sinaamak aba.
5. Sigaarah uraarak sinam tabbixe dakooki mangoh.

5.1.1. Uddur kee abni yaakumik ciggiili

Inki kutbeyta fiirisnah nan waqdi maxcâ maafofa uddur kee abni yaakumik ciggiilil

Xisnam faxximta. Kutbeh addal uddur kee abni yaakumik ciggil dacrisak yaktubeenim

Mangom xiqta.

Naharaak yakriyeh yan mari yakriyeh yaniimit badit maaba. Kutbek farmot sahali luk

Radan. Yaktubeh yan num kaadu takrayot tabsam faxam elle ucsusubbu heennal abinal asisuh kaa tanfiqe. Kutbeh addal yabti qagaaqagu abekal kulli maxcâ maafot le farmo akah taturtannah abuh kaa tanfiqe. Iyyam faxaamat angaaraw aalle waytam kaak edde cultaamak daccarsimuh kaa tanfiqe. Yabti qaddos kee baxxaqsuh kaadu kaah meqeh. Kutbeh addal uddur kee abni yaakumik ciggil dacrisaanam kutbê haxxah kaadu meqeh.

Ahaak gubal xayyowteh tan maxcâ maafofak abni yaakumik ciggil massoysak nammay haak fiirisa.

- b. Awki baxi kaxxam yuczune.
- t. Haruurugutak gexak sukte makeyna kaat radde.
- s. Gexxa makeynat arduk matre.
- c. Bakal awki baxak gabak yuftuce.
- k. Awki baxi bakal gabat luk gita gexak suge.

5.5. Konoyhaytoh exxa: yabti rakiibo

5.1.2. Sahlin maxcâ maafoo kee xerribuh tan maxcâ mafoofa

1. Sahlin maxcâ maafoo tet migaq akah yascassê naah sahaliluk xissimta. Is addat inki abinaLeeh, kaadu inki abeyna le. sah lin maxcâ maafoh addal, abnaa kee abeyna

Inkih tiinoh tan.

Cl: - Macammad yemeete.

Tah sahlín maxcâ maafoh ceelallo kinnih tan waqdi ta maxco akah tablen innah, inki abnaa kee inki seeceyna addat le. seeceynah exxa maxcâ maafok abeyna taybullee exxa deqsitta.

2. Xerribuh tan maxcâ maafoo: - ta maxcâ maafoh addal abte gabaa kee abto inkih tamaggeeh. Ta maxcâ maafoh addal abni abni tiinoh miyanay xerribuh yan. Is migaq akak geytem tet addal abni abah yan xerribu iyyaanam duudumtah.

Cl: - macammad yemeetem kee yuduurem yekke.

Ta maxcâ maafoh addal elle nablennal abni xerribuh yan. Gubal fiira kak tan abnan maxcooca taybulleem abni xerribu yakkeemi. Macammad deqsita num mamaataa kee madaara inki waqdi abem tascasse.

Daga yan qarwalih addal sahlín maxcâ maafoo kee xerribuh tan maxcâ maafoh addâ fakootuy xayyooweh iyyal rakuh gacak, kulli maxcâ maafoh qaynattal koonaa maxcâ maafoo fiirisa.

B) sahlín maxcâ maafó

T). xerribuh tan maxcâ maafoo

5.1.3. Amô gacsa

Konoy haytô mafdagal barittoo kee barittô xoqoysit amo gexaak yabneh. Tû baritto dadal kee assamaqak rakiibo kinnih tanim kee baritto ixxiga edde geyan mansaf kinnih tanim baritneh. Baritto yaabam faxa numuh arraba takkeemiy, yabqurem faxa numuh si silac takkem kinnim ascassuk barittot yan tuxxiqik addâ fakoot abneh. Tonnaah, barte num kee barte wee numih fanat yan baxsat yabneh nan waqdi, barte numuh faxe baaxo kay baaxo kinnih tanim kee bartewee num isi baaxol edde qibnaytuh yan num kinnim cedneh.

Awayî wakti qaalam baaxooxa akriye waah aktube waa mara sinni adda cabsiisoonuh, iggimâ gaadu qembiseenih geytimaanam kaadu nubleh. Ta iggimâ gaadi elle qembimeh yan baaxooxak ni baaxo tiyak teynah tanim kee iggima baysoonuh culen xagni yanim kaadu bariteneh. Tahat axawah haak ni baaxô caddol uxih yaanam barittok qaki edde yan ayyunti exxaaxi tanih tanim kaadu nubleh. Toh sayyooy, xagar ayma le canxowwaa kee baxsa luk dacarsittoh xiinâ xaylo kinnih tanim kaadu cedneh. Eddeey dacarsittoh xiinâ sayyok mango gaba baritto gee wayteh tanim kee xagar qelesa leh yan canxowwak kaadu mango gaba baritto tammoyse wayteh tanim kaadu baritneh. Tahat axawah haak kaadu ayyunti addal tan mabloomi saymaraa kee xagar ayma le mara barittok iro abte sababitek giffiya sabab kinnim kaadu nubleh.

Ta mafdagah addal tohuk kalah kaarib qunxaaneytal kataysah yan dufa kaadu baritneh.

Kaat yakmeenim kee sigaara yaaqubeenim qunxaaneytal katassah tan taqabitte bariteneh. Kaat ayyuntiinoh angaarawak ken yayyaaqeh yanim kee tohuk lafitak qaafiyatal kaxxa taqabi keenik katassah tanim kinnim nubleh.

Ta mafdagah addal kalah edde yabnem kutbek uddur kee abni yaakumik ciggil dacrisaanama. Kutbeh addal uddur kee abni yaakumik ciggil dacrisaanam yakriye maraa kee yaktube numuh inkih meqem baritneh.

Tohut ossitinah haak edde yabnem kaadu maxcâ maaffoofâ qaynoota. Salin maxcâ

Qafár afak sagal haytoh footimak barteent kitaaba

maafoo kee xerribuh tan maxcâ maafoh addâ fakoot ceelallo edde haak baritneh. Salin maxcâ maafu addat inki abna leh tanim kee xerribuh tan maxcâ maafu tet migaq elle yascassennal abni xerribuh edde yan maxcâ maafu kinnih tanim baritneh.

5.1.4. Amô gacsi esseroora

1. Baritto numuh maca xiqtaah?
2. Qeexo aquba iyya numuk yaaqube numuh tayse iyya qafar missilat yascasseenim maacaay?
3. Qunaxaaneyti kaaribit mannal culaah? Mannal akak yawqoonu xiqaanaah?

5.1.5. Ixxigâ miidaanisiyyih cibta

Ahaak gubal konoyhaytô mafdagal xayyowte barittok magid takke ixxiga geyteenim elle xayyossan qarwali siinix xayyooweh yanim kinni. kulli makeelisseoh ximmok foocat yan aracal ceddeenik waytam tismiteenik (✓) asmite wayteenik (X), inki katuuk edde rade wayteenik kaadu(?) asta haak, qarwali kiba.

Loowo	Maxcoocá	✓	?	x
1.	Kawsak lafa le madma kawissi heeh cedeh.			
2.	Barittok kinnaanee kee tuxxiq qaddoysaanam abu xiqah.			
3.	Kaarib kee tukkaloot baxxaqisu dudda luk cedeh.			
4.	Uddur kee abni yaakumik ciggil dacrisak aktabu duudah.			
5	Sahlin maxcâ maafoo kee xerribuh tan maxcâ maafu aktabu duudah.			

LECEYHAYTÔ MAFDAGA

6. Garbô tuxxiq kee hawâ milaagu

Barteeni amafdaga barteek gamadal:

- Garbo maca kinnim bartele.
- Garbo baaxoh maca xiqtam akak barte lon.
- Garbo elle hanaawisan gurra bartelon.
- Garbo hawah le tuxxiq barte lon.
- Hawa milaagi garbol baaha gibdaabina barte lon.

6.1. Inikhaytoh exxá: ankacsu

Ahak gubal ``garbo`` iyya ammuntal kabir siinih xayyoysuwaa kawsa ankacisseeniik gamadal ciggilta esseroora gacisa

1. Ankacisak sugten ammuntak maca ceddeeniik?
2. Buttah gacak elle walalak akak ceddeenim ittah baxxaqisa.

Garbô tuxxiqi



Miic, 1.8: garbô tuxxiqi

Garbo kak iyyaanam uunyi cooxuy ittata xaquh yaniy mangohiyya kinni. garbo caxâ

kobox kinnuuk, baaxo buuleh yan cooxuy, mangoh iyya kinni. Garbok baxxaqsa mango mari isih elle yaaxige innal abem takkay immay uxuxxossu hayna waqdi

garbo yaanam caxa kobox kinnuuk ardi bagus isi elle yooboke dariifa caacay kee ayrok reebiseh yan coox kinni. Ta coox elle yan baaaxoh kaxxam xiqqa. Isi dariifah saytun silaytuu kee sale oksijjiin(oxygen) yace. Baxsaluk baaxo bagul rob raduk hawah kaxxa tuxxiq le. Keenik gexah yan silytih taagah rob xayuk geytimam duudaamat misso (science) tu taaxago yabta. Toh akah iyyaanam caxa elle mango baaxol caxak yawqeh yan huuri qaran fanah gexak rob hirgaah baaxo kaxxa xamcisaamih saani leemit yaaban. Tohih taagah baaxok garbo elle mango baaxo mangih kaxxa liqnaa kee qabaarak safa takkeemih duddo le. Ummatta ta cooxuk geytah tan silayti kaaduk qaafiyat caddol kaxxa cato leemit yaaban.

Tonna kaadu Garbo elle mango baaxol ardi macottiima. Rob rada waqdi kallayti weeqat gexaamih taagah caxal kaxxa gibdaabinaa baaha. Xarriital kaaduk kaxxa gibdaabina baaha. Garbo tahak inkih catotta takke. Xarriita weeqi bee wayuh teetit yaadeemih taagah kaxxa gibdaabina mabaaha. Is weeqat gexak ten kalla teetit taadeeh, woo xarriital coox ossiimak ossiimaah, who baaxoh kaxxam tu xiqtaah silayuh kaaduk milaagu bahta. Silayti kaxxam xamcaah, dariifal yan ayyuntaa kee saqah kaxxam meqe.

Garbo alle sinni baaxol rob kaxxam maradaay, radaamah qayso mataabukaay, baaxo kaaduk kaxxa liqnaa kee harur bahta. Toh silayti milaagu katassaah, ummatta kee saqi elle yaqeesuh kaxxam taaqabi keenil bahta.

Tonna kinnuuk, Garbo baytaamak kaxxam tet hanaawisaama faxxinta. Tet elle hanaawisaanam argaqe waanaah, kafin coox akak luuqusaanaah, dariifal eded kee lee gexitte akah haanam faxxinta.

Kalah kaadu garbo tammagguh rob rada waqdi saq akak kalalak deesaasaanam faxxinta.

Tonna kinnuuk garbo hawaa kee baaxoh inkih kaxxa faxxiima silaytuu kee xamca leemih taagah tet dacrisaah hanaawisaanam faxxinta.

6.2. Nammeyhaytoh exxa: kawsa

Ahak gubal tan esseroora kawsal rakuh gacak gacisa

1. Garbo ummattah maca xiqtaah?
2. Garbo tammagguh maca abaanam faxxintaah?
3. Saqi garbok maca tuxxiq geyaah?
4. Garbo elle tan baaxol silayti maca ceelaah?
5. Hawa milaagi macak yamaateh?
6. Hawa tamquh maca abaanam faxxintaah?

6.3. Sidochaytoh exxa: Qangooru

Ahak gubal yan qangooruh celta maqna acuya

- a. Hawa
- b. Milaagu
- c. Ededi
- d. Haruuru
- e. Xarriita
- f. Kalla
- g. Huuri
- h. Qaran
- i. Coox

6.4. Ferey haytoh exxa: yaaba

Ahak gubal tan esserooral buttah kurruumak walala

Garbo baaxoh le tuxxiq kee hawah leh tan tuxxiqil walalak elle itta geyteenim barteenit focal awquk xayyoosa.

6.5. Konoyhaytoh exxá: yabti rakiibo

6.3.1. Abnigurra

Abnigurra kak yaanam, Abnah, Weeloh, Geeri abnim gurra taybullee (Salta) qangara.

Toh yaanam faxe waqdi abi edde yan weeloo kee elle yakke weelooy, elle yekke gurra taybullee waqdi.

Ceelalloh:

1. Abna taybullee waqdi

- a. Usuk **meqennah** digre
- b. Gaali **kaxxam** yarde
- c. Qali **nabam** yerde

Irol akah nable innah **meqennah** inta qangara yekkeh yan abni elle yekke gurra tascasse. **Meqennah** yaanam faxe waqdi tuy tekke nagay tekkem taybulleemih taagah elle yekke gurra ankacsa mariteetik ugutak yaaxigem duudah.

1. Weelo taybullee waqdi

- a. Cammadi **nabammeqennal** taamita numu
- b. A maaqo **kaxxammeqennal** nokme.

Abnigurri elle yekke weelo yaybullee waqdi kaaduk elle yascasse inna irol tan ceelallo nee tuybulleh. Taa irol elle nable innal**nabam meqennal** inta qangara tascassem weelo abnigurrat axawah anuk elle tamaate inna kinni.

C. Geeri abni gurra salta waqdi

Usuk **kaxxam gibdi** digir abe.

Ama awká **nabam nabam** meqe awká.

Qafár afak sagal haytoh footimak bartenit kitaaba

Geeri abnigurra yaanam abni gurri addak nammey heele abni gurri yawqe waqdi mkinni. Irol ceelolol akah tascasse innah naharsi qangara naharsi abnigurra tascasseeh gesri qangara gersi abnigurra tascasse.

Ceelalloh: -**kaxxam**+ **gibdi**

Kaxxam inta qangara naharsi abnigurra tascasse, **gibdi** inta qangara kaaduk ossotinah nammey haytoh abnigurra tascasse.

Elle baritto

Ahak gubal tan esseroorah faxxiima gacsa ab.

1. Abnigurra akak iyyanam amacaay?
2. Abnigurri maaakina exxah yaniih?
3. Abnigurri weelot uybulluy?
4. Abnigurra abnat haak sidiica ceeallo daffes?
5. Abnaa kee abnigurrak baxsi maca kotceltaah?

Ahak gubal ittah ramad lem itta fanah baahak gitah gacis

- | | |
|-------------------------------|--------------------|
| A | B |
| 1. ----- Gexe | • Weelo |
| 2. ----- data | • Abnigurra |
| 3. ----- Kaxxam meqennah gexa | • Weeloh abnigurra |
| 4. ----- Kaxxaam kaxxam | • Abna |
| 5. ----- Nabam qasuk rade | • Geeri abnigurra |

Ahak gubal tanesseroorak gitah taniimik numma xacukuuy, hoxat taniimik diraaba xacuk daffes.

1. Abnigurri maxcoh addat weelo yascasse_____
2. Weelo abnigurri addat abni edde yan weelo tascasse_____
3. Abni abnigurri addat abna tascasse_____
4. Geeri abnigurri abnigurri addat nammey heele weelo yascasse_____
5. Abni faxe waqdi weelo yasacsse_____

6.5.2. Mafdagah Amoggacsa

A mafdagak barteenit, Garbô kinnaanee kee garbo baaxoh xiqtam baritte. Garbo akak yaanam knnim nubleeh, tet tuxxiq kaaduk fidinih nuble. Garbo dacrisaanam tuxxiqik lem kaadu edde nubleh.

Baxsaluk silayti milaagi akak yamaatu xiqam kinnim nubleh. Silayti milaagi ane wayuh garbo dacrisaanam faxxintam kaaduk nubleh.

Garbo ummattaa kee saqah le tuxxiqiiy, teetik geyaanam xiiqan manot axawah yan mango cagiida baritneh.

Tonnnah kaaduk amfadagal yabti rakiibok exxak teenah raqta abnigurra nubleh. Abnigurri maca kinnim sekkaacisak ceelalloolaa kee elle baritto akak nubleh.

Itta fanah gacissa hayna waqdi a mafdagak garbo tuxxiqiiy, yabti rakiibok abni gurraa kee qangor maqnak tutu nuble.

Ahaak gubal 6haytô mafdagal xayyowteh tan barittok magid takkem ceddeenih raqteenim sinnik elle kusaaqissan qarwali siinih xayyooweh yanim kinni.

Kullimakeelissoh ximmok focat yan aracal ceddeenim akak tasmiten ximmo tekkek (✓), asmite wayteenik (x), tonnaah inki katuuk edde rade wayteenik (?) asta haaka qarwali kiba.

Qafár afak sagal haytoh footimak barteenit kitaaba

Loowo	Makeelissô ximmooma	(√)	(x)	(?)
1.	Kawsak lafa le tû mabuul kawissi heeh cedehe.			
2.	Garbo tuxxiq keehawa milaagu kinnuktet kinnaanee kee ayyunti addal le tuxxiq tukkalkak cedam xiqeh.			
3.	Qangor maqnisak nammey haytô maqna akak cedaanam duudeh.			
4.	Yabti rakiibok xayyooweh yan ammuntak maqnaa kee kay taama cedaanam duudeenih.			
5.	Abnigurri yabti addat edde yamaate arooca cedeenih.			

MALCINHAYTÔ MAFDAGA

7. Inkittiinot Amo Le Mangantina

Barteeni a mafdaga barteek gamadal:

- ✓ Barteeni a qasiirik gamadal mangentaa kee inkiino maca kinnim barte lon.
- ✓ Mankenti ayyuntah le tuxxiq akak barte lon.
- ✓ Mango ummatta baxsale qaadaa kee af luk sittâ lih elle waarta gurra akak barte lon.
- ✓ Inkittiinot amole Mangantiina siyaasaa kee qidaddoh caddol leh tan tuxxiq akak barte lon.
- ✓ Mangentinaanee kee inkiino wagittaamal keenil hayoonu waan essero kacselon.
- ✓ Sinni baaxoh caddol mangantinaa kee inkiinol yanih yan caalat maca ceelam akak cede lon.
- ✓ mangenta yaanam baritta heenih maqna akak cede lon.

7.1. Inik haytoh exxa: Ankacsu

Kabiir agat kee agattiinah ayyo iyya ammuntal siinih xayyoosuwa ammunta ankacsu aymaaq ciggilta esseroora akak gacisa.

Ankacisseenih tanin ammuntak maca ceddeenim kee akak ceddeenim ux maasayyah haak kutbeyta akah bicisa.

Tohuk lakal kulli num isih raaqisem isi hortah baxxaqisay. Horta xisak hunun walal elle abak akak raaqisseenim hortah caddol deffeysa.


7.2. Nammeyhaytoh exxa: kawsa

Ciggiila ammunta kawissaanamak naharal katayta esseroora gacisa.

1. Mangentina agatah macâ tuxxiq leeh?
2. Inkiino maca yaanamaay?

3. Mangentaa kee inkiinok macâ tuxiiq geynaah?
4. Mangentinaa kee inkiino yaanam maca yaanamaay?
5. Inkiinoh addat mangentina macah kooattaah?

Mangantinaanet Amole Inkiinó



Miic, 1.9: inkittiinot amo le mangantiiná

Ahak gubal Qudum kee Qudma mangantinaanet amole inkiinok teceeh tan baxxaqsa tiya tiyah ablenn.

Qudum: - Aqasiir edde yaaban mangentaa kee inkittiino kinni. Toh yaanam faxe waqdi mangenta iyyaanam hortah tanim kinnuuk, ittafanah temeeteemiy gaaboyteh iyya yaanama.

Akkel edde yabnam ummatta manga wagsiisak kinni. Sahdayti baxi faxe waqdi manga luk baaxo bagul ittalih yaqeesen. Toh ginook ummatta leh tan caalatay qaadat axawah yani kinni. Aki roocilik baxsah sehdayti leh yaniiimik tiyak teeni mangintina luk ittingey kee ittallih alliiyi caalatal ittalih waaraanama. Tah kaadu qaada elle ken dirkissaamay barteenih iyya kinni. Faxe ummatta isi elle tan qaran gubal ittak elle baxsimaanaah mangentinak itta elle yaaxigen kedoodah addabaxsaa kee baaxoh caddol loonuh yanin maadu lon. tah kaadu inki ayyunti itta elle yaaxigeeh aki ayyuntak elle baxsimuh loonuh yanin asta. Taqaada mangentinah addal itta yaaxagoonuuy, inkittiino tanuuy, ittallih alliiyi yanuh ummatta tanfaqe qaada kinni. Ceelalloh inki ayyuntih addal inki agatah anuk kedol kurruumak itta yassakaxxeenim kee kulli kedo aki kedoh numuh assokoxxa abak inkiinol waaraanamih caalat lon. tahallih ittacataanam kee itta qoklaanaah, ittah assakoxxa abaanamal ken dirkissa. Toh akah kinnim manga luk inki num cayla akah gee waa caagidil mangal kaacatak ceyaa kee cabaydaruk itta edde yayyaaqeenim mangentinat aban ittingey kinniimih taagah ittin assakoxxi akak yaamaate.

Qudma: - qudum elle neh baxxaqise innal anuuk anu inni katuk elle baxxaqisa gurrah tugactek, mango afittee kee mango qaada luk ittalih loonuh yanin meqem kaban kee inkiimiy ken tasgalle luk ittalih xiinaanaah itta yassakaxxeenin mangentinaa kee inkiinok exxak kinni. Toh yaanam mango afittee kee mango qaada luk inkin yalleenim bictah.

Qudum: - Tonnah diinil loonuh yanin baxsi yaniimih taagah qadak exxak teenay mangentinat lowwinta kinni. Baxsale diini lih inki qaadaa kee af yalleenim bictaah, baxsale qaada luk inki diini yalleenim bictah immay inkih inkittinaane fan beyta. Diinil angaliy, qaadal angal, baaxô baxiinul angali takkek inkiino raq alle

waytaamih taagah magentina luk ittat elle yangalen abtootat axawah tan. inki diiniiy, inki qaadaay inki baaxo luk addal kedoodaa kee meftah kurruumaak inkiinol ittingeyil xiinan.

Ceelalloh Afrikah eгла (African union) iyyan waqdi afrikah addat mango doolat taniih mango qaada le ummattah anuk kulli ummatta qaadaa kee afaay, maadul kurruumak mariiy isi celoo kee weelo luk itta assakaxxuk aki qaalamak edde baxsiman eгла ken tasgalle lon. ta eгла afrikah eгла kinnuuk, afrikah ubka le marah inkiino ginta kinni. Ta inkinoo kee manget luk kulli horta hinnammay kedo ittak edde baxsinta qaadaa kee maadu lon.

Qudma: - Aki katuk nable waqdi Ityoppiyah addal mango afittee kee agatitte anuk inkim le ummattay mangentinaa kee inkiino luk waarta kinni. Ceellalloh Addi ababah magaala ityoppiyak inayta kinuuk mango ummatta elle waartah tan magaalay mangentinal tamixxige kinni. Takkay ikkah addis ababal sigoh yan ayyunti kulli mari isi afat akak yaaba mara kinnon ityoppiyah xaylo takku aki baaxoh xaylo takku. Tohummay ta magaalah addal agat abaxxini ceelol inkinol itta assakaxxauk kulli rakaakayih xaylo ittalih elle taqeese. Tah yaanam inkiinok hunun asta kinni mangentinaluk.

Qudum: - Baxsaluk Qafar addal Qafara iyya migaq awlisam Qafar qaada leeh, Qafar afah yaabaah, Qafarah yaabuke num. Addal Qafar ittak elle tamixxiguh kedo lon.aki ityoppiyah agatak Qafara iyya migaaqal baxsiman way ittak kaadu kedol baxsiman. Kedok addat kaaduk gubul baxsimak yamixxigen. Tah tanay ikkah inkih inkiinol elle yaqeesen cogday itta elle yaxagoonuh loonu. Takkel nablem inkiino fanah ken beytam amogexaak qafara iyyan migaq inkih tan qafar awlisaah inkih lon migaaqay mangentina luk inkiino yascasse kinni. Addah oobban waqdi kedo kaaduk qafarak hortak teena itta elle geyta ubkay inkiinok tiyak teenah tani kinni. Aki kedok baxsah addal elle baxsiman cogday ittalih aalliyyaa kee itta elle yaxagoonuh loonu kinni. Tah inkih mangentinat axaw le inkiino yaybullee gexsit kee cogdaadiy,

ayyunti ittalihi edde waara. Baxsaluk ni baaxoh caddol kaxxam yamixxige caalatay ni ummatta edde xinta.

Qudma: - Mangentinaa kee inkiino faxe waqdi qidaddoh caddol kaxxa doori le. Baxsaluk eglah abaanah yanin taama tanu itta elle catak aban qidaddot axaw le taama tanu mango mari itta elle geyan waqdi kaxxa xaloot bahta. Aki katuk qidaddô gaaboysoh kaxxa doorile. Cayli dagnaa kee gaba dagna leh yan marih cato aboonuh mangentinaa kee inkittiino faxxintaamih taagah, ta gexsitiil kaxxam tuxxiqle. Ittallih alliiyyi caddol qidaddô qokol kee rabak nuwaay innah taniimil kaaduk kaxxa catoo kee migda le.

Mangentinaane kee inkiino baaxo dadalah kaxxa saami le. Baaxo dadaltuh qiddado faxxaamih taagah qidaddo gaaboysoonuh inkiino faxxintaamih taagah mangal gaaboyseen qidaddot baaxo dadlisak bilhadisaanamih saami kaxxam le. Tah inkih mangentinaanee kee inkittiinot axawah anuk ittin assakoxxaa kee ittallih alliiyyat axawah taniimi.

Qudum: - Inki ayyunti isi baaxo dadlisuuy abbisuh inkiinoo kee mangenta leh yan ayyunti yanim dirkih faxxinta. Tah diggaluk leh yan ayyunti faxe waqdi isi baaxoh kunnabnaa kee siyaasa dacrisam duudah. Inki baaxo beedaa kee falma le xagarak tet dacrisoonuh le xayloh mangentinaa kee inkiino dirkih faxxinta. Faxe waqdi inkiinoo kee mangenta leh tan baxaabaxsale hortak xissinta baaxoy le xayloh ittin gey kee ankaabab leh iyya beedi cayli wararaamak meysitah. Tahallih kaaduk baaxoh caddol ayti gexxole dadalte siyaasah baxooxat tangaluk isi doorile.

1. **Iroh ammuntal tan kutbeytá cubbit haak ahak gubal tan esseroorah faxiima gacsa aba.**

1. A qasiirih addal baxaabaxsale kedooda akak iyyam macaay?
2. Agattiina iyyaanam maca yaanamaay?
3. Diiniyy, qaadaay, afal baxsa lon iyya wak inkiino ma gurral yalleenim xiiqaanaah?

4. Mango ummatta inkim elle taallu xiqta gurri macaay?

7.2.1. Qangór fidga

Ahak gubal yan qangooruh celta maqna foxole aracal hayis

Dirki: _____

Kunnabna: _____

Ayti gexxo le: _____

Aykabab: _____

Bilhadisaanaah: _____

7.3. Sidoc haytoh exxa: kutbeytá

Mangentinaane amo le inkiino wagsiisa ammuntal maasayya aktubuk barteenit focial kawisak baxxaqsa ab!

Ceelalloh: - atu isih elle taaxige innal tet tuxxiq kee weeloola edde haak kutbeytah daffeesak baxxaqis.

7.4. fereyhaytoh exxa: yaaba

Buttah xissiimak ahak gubal tan esserooral walalak edde cabtaanaam barteenit focal xayyoysa.

1. Mangoh tan agat kee agattiinah addal inkiino mannal taaxagu xiqtaah?
2. Manga leh tan agat kee agattiina elle tan baaxol inkiino tanuh maca faxxintaah?
3. Foocak foocah ittal gacisak namma namma numuh gacak mangentinnaa kee inkiino iyya ammuntal walala.

7.5. Konoyhaytoh exxá: yabti rakiibo

Qafár afak yabtí exxaaxi

Seeceyna kak iyyaanam, Sehdaay, Alluwwaay, Aroocaay: Duyyeh elle Seecan migaaqa. Tet qaynoota kaadu ahak gubal roorisenno.

Cagalan seeceyna (Proper noun): Mucammad, Qali, Faatuma, Zeynaba, Addis Ababa, Afrikah Gaysa, Qasa Bada, Qafár Rakaakayih Doolata, Ityoppiyá, Afrika, Aasiya, Suuriya, Saquudiya kee Djibouti, w..w.

Yangalen Seeceyna: Numu, Barrá, Awka, Baaxo, Rasu, Daqaara, Makiina, Reytá, Awká, Caxá, Illi, Baklo, nariige, Laa, Maaqo, Daro...

Kobox Seeceyná: Pooliisi, Saqa, Sinaama, Alluwwa, Agabu, Garbo, Fiqmá, Labhá...

Duyyê Seeceena: Korsi, Tiliphoonu, Kalama, Kaqaada kee Birta...

Qellittaamih Seeceená: Ixxiga, Kasa, niya, Cubbi kee Kassit...W.W

Ahak gubal tan esseroora elle faxxinta gurral footimah addal gacis.

1. Yabtí exxaaxi macayaanamaay?
2. Qafaral yabtí exxaaxi magide takkeeh? Muggaaqis
3. Seeceynak kulli qaynatak kitaabal xayyoowe wayte ceelallok sidoc uktub?

Ahak gubal tan esseroora buxah addal bicisay baaha

Kulli seeceyna ittak ittak edde baxsintam daffesak nagayan baxxaqsa edde ab. Tohuk gamadal kutbeytah haak missossu hayteenih kilaasal xayyoosetton.

7.5.2. Amoggacsi esseroora

Ahak gubal tan esseroora mafdaga gaba kalteek lakal keenilesserak kulli barteeni mafdaga maca yifhimem kaabiir cedele.

1. Barteenit aqasiirik maca cedeeh?
2. Qangor caddol maca akak bartenihi?
3. Kawsi caddol maca yiysiiseenih?

7.5.2. Mafdagah Amoggacsa

A mafdagak barteenit mangentinaanee kee inkiino kinnim tubeleh, mangentinaanee kee inkiinoh addaffakoot nubleeh, tet baxxaqsaa kee ceelalloola nubleeh, tet kinnaanee kee weelo abluk esseroora elle gacisak nuble.

Ciggiilak kaadu yabti rakiiboh caddol seeceena barittay sekkaacissa hayneh nubleh. Tohullih seeceena qaynootaa kee tet ceelallo nubleh. Seeceena maca kinnim akak cedneh.

Ahaak gubal 7haytô mafdagal xayyowteh tan barittok magid takkem ceddeenih raqteenim sinnik elle kusaaqissan qarwali siinuh xayyooweh yanim kinni. kullimakeelissoh ximmok focat yan aracal ceddeenim akak tasmiten ximmo tekkek (✓), asmite wayteenik (x), tonnaah inki katuuk edde rade wayteenik(?) asta haaka qarwali kiba.

Loowo	Makeelissô ximmooma	(✓)	(x)	(?)
1.	Kawsak lafa le tû mabuul kawissi heeh cedeh.			
2.	Mangentinaaneet amole inkiino kinnuk tet kinnaanee kee ayyunti addal le tuxxiq kak cedam xiqeh.			

Qafár afak sagal haytoh footimak bartenit kitaaba

3.	Qangor maqnisak nammey haytô maqna akak cedaanam duudeh.			
4.	Yabti rakiibok xayyooweh yan ammuntak maqnaa kee kay taama cedaanam duudeenih			
5.	Seeceena yabti addat edde yamaate arooca cedeenih.			

BACARHAYTÔ MAFDAGA

8. Qisô baritto

Bartenit ta mafdaga baritteek gamadal:

- A mafdaka bartenit qiso kinnim barte lon.
- Qiso elle yaceen inna barte lon.
- Qiso acee weenik ken baaxo yafee gibdaabina bartelon.
- Qiso akah yaceen sabab kee tet xiqto barte lon.

8.1. Inik haytoh exxá: ankacsu

1. Luwalii kee Uguuxe iyya ammuntal kabiir kawsa abelek faxxiima kattat kee ankacsu aba.
2. Ankacissen kawsak maca raaqisseenim buttah kurruumak ittannah gacak elle walala. Tohuk gamadal kulli buttah adoyti focal awquk siinik xayyoosay inxica.

8.2. Nammey haytoh exxá: kawsa

Ahak gubal yan Qisô Baritto inta kutbeyta numtin amol xongolo addah haak kawisa

Qisô baritto



Miic 1.10: Qisô gaaboysó

Qiso akak iyyaanam baaxoh caddol ittingeyil baaxo dadalah takku baaxol xayloh qidaddoh takku loonuh yanin gaddak timmixige gaba meklaanama. Tah numtin amol

takku eglah takku faxe numul dirkih taniimiy isi ixiggaheeh mekla kinni. Baaxoh caddol tu maliy gabat tu sinni akke week aki maral dirkih tanim kinniimih taagah inki baaxoh qiddaddo dadaltuh edde xoqoysiman qiddaddo gaaboysoh cogda kinni. Ta qidadoh cogda baaxoh caddol baaaxo dalalah takkeeh, baaxol faxximma inta qiddaddo caagid edde aboonuh tankattem kinni. Mekla qaynat maalu yakkem bictaah, roocili innah tanim bictah immay mangih allinnaan gaddak maalu cayuk kol heen gaba maali caddol mekelta.

Qiso baaxoh caddol akah meklaanam takkeh tanih tan daddos taamoomii kee le xayloh qiddaddo edde gablusoону kinni.

Baaxoh caddol yakke daddoosu iyyan waqdi barittooy, qaafiyaataay, leey, gitaay, kooraan kee angaaraw mansafih innah taniimiiy ummattah eglah ayfaf taceeh iyya inkih edde bicsaanam qisok gaabowte maalu. Inki baaxo hinnammay doolat isi xayloh ta ayfaafayitte kibtuh baaxo xaylok dirkih qiso meklaanam keenik faxxinta.

Qiso mekle weenik baaxô qiddaddo tankattem madudda, ayfaf geyaanam maduudaanamih taagah baaxoh caddol yanih yan gaddaleelaa kee missoynaay, eglalaaliy, tellemmo abeenit kee numtin amol inkih loonuh yaniinimik timixxege gaba meklaanam faxxinta.

Baxsaluk ni baaxoh caddol an ayfaf yanuh qiso meklaanam dirkih faxxinta. Ni baaxo qidaddol kaxxam boola le baaxoy iro culenta sinni kinniimih taagah le xaylo culussa qisot taamittah baaxooxak baaxok teenah tan.

8.3. Sidochaytoh exxá: Qangooru

Ahaak gubal xayyooweh yan qangooruh celta maqna acuya.

- | | |
|----------------|------------|
| a) Sababa | g) Oflo |
| b) Qaburu | h) Ilaala |
| c) Seelabu | i) dangabu |
| d) Buubo | j) Niici |
| e) Elaato | k) Sabiyyi |
| f) Assalaalaqa | l) Sakki |

Ahak gubal tan esseroora kawsak ugut abak gacisa.

1. Kawiseenih tanin kutbeytak maca baritteeniih?
2. Qiso yaanam maca yaanamaay?
3. Qiso meklaanam maca tuxxiqleeh?
4. Qiso akak meklaanam macaay?
5. Qiso mekloonuh maca faxxintaah?
6. Qiso mekle weenik mataqbi boodaah?
7. Qiso maaluk maca abaanaamah?
8. Atu qiso meklaanamal mamabla litooh?
9. Qiso mekeltam faxxintam mannah yan maraay?
10. Qiso mekle weenik baaxo dadaltaa? Macahaayy?

8.3.1. Kawsii tuxxiiqi



Kawsa kak iyyaanam tunkuttubeemiy warkat bagul tani kawsaanama. Kaswi afti duddok tiyak teenay yaaxigeenim faxxinta kinni. Kawsu barteenah dirkih faxxiima dudday yaakume kinni. Barteeni warkat bagul tanim kinnim yaaxaguh naharat bartam faxxintam kawsa kinni.

Kawsu afti duddoy sehadayti yallem faxxintak cangalxalah raaqam kinnuuk, yanih yan qasrit missoo kee mattiibanni caddol kaxxa doori le. Toh yaanam aqasrit num sinam kaa barissaamak muxxi missoo kee mettiibannut xoqoysimak aba baritto mangoomih taagah tohuh inkih koo cattam kawsa kinni.

Kawse num geya ixxiga ankacisa num gee waam bictah. Mangom barittuh mangom kawissam kok qambalsinta iyya missilaak ugutak kawsu ixxigaa kee xaagissok asaasah raaqa.

Tonnaah kaadu barteeni barseeni kaa barseemiik raqtam isi barituh kawsa abam kaak qambalsinta. Kawsu duddaa kee ixxiga yellek kaa barsa barseeana aysuk baritam bictah. Toh yaanam tunkuttubem kawsoonuh, hinnaamay ossotina ixxiga geyoonuh barteenit footimah addaak irol kawsa baanam keenik qambalsinta.

Tohiih taagah kawsu faxxiima ixxigah silaacay afti duddok tiyak teenah yani kinniimih taagah yalleenim faxxinta duddo kinni.

Ahak gubal tan esseroora kawsal rakitak gacisa.

1. Kawsa akah abaanam maca geyoonuuy?
2. Kawse waanam maca kol katassaah?
3. Kawsu barittuh maca osisaah?
4. Kawsu macaa kee maca koo bahsiisaah?

8.3.2. Fereyhaytoh Exxa: Kutbe

Gabbatí Ugdubay Baaha

Inki kitab kawissa hayteenih tet addak geyten ixxiga kutbeh daffeysak kutbeyta akak bicissa hayteenih footimah addal xayyoosa.

Kawissan kitab sin barittoh kitab hinna aki kutuub takkem faxxinta.

8.4. Konoyhaytoh exxá: yabtí rakiibo

8.4.1. Weelo

Weeloola: Weelo kak iyyanam seeceynak tukteenat yabta qangara. Is namma qaynatah tan.

Wohim: - **1, Taysixxe weelo (descriptive)**

2, Aysixxige wayta weelo (non-descriptive)

Taysixxige wayta weelo (descriptive) kak iyyanam woo is salta seeceyna lenna taysixxige weelo. Is woo saltah tanim qadok qasam, datam, uxxik, xeerim, nabak, qunxam, w.w. taysixxigeemih taagah mango waqdi **lennâ** weelol tet muggaaqisan.

Ceelalloh: woo qari qadoh. Qali ux-awka. Qeyshá xer- barrá.

Lennâ weelo inkí inkí waqdi woo salta seeceenak salafat tamaate. Woo waqdi **h** wara ossitta.

Ceelalloh: Woo qari qadoh. Abarra datahA awki qunxah.

Aysixxige wayta weelo: kak iyyanam woo saltah tanim takkeh gideey, elle tan ikkeey, le maraay, ..ww.. tanim tascassem akke waytek lenna ascasse wayta weelo.

Aysixxige wayta weeloola koonaa aracal kurrunta.

Wohim: -

- a. gidê weelo
- b. Haysít weelo
- c. mayballâ weelo
- d. meklâ weelo
- e. Essér weelo

A. Gidê **weelo** kak iyyaanam: tu takkeh gide tascasse weelo. A weelo isih kaadu yamixxigii kee mayamixxigil kurrunta.

CL. Samaral bacra ayro sugne. (yamixxigi)

Samaral dagoo ayroora sugne. (mayamixxigi)

b. **Haysit Weelo:** - kak yaanam tuk maallo tascasse qangara. Yi, ku, kay, tet, ni, sin, ken, Iyya qangoorut axawah gacak tamaate.

CL.ken buxa amaatenno.

Sin fanah gexam faxak suge.

Ni gaali can mali.

Tet qammi kaxxa numu.

Kay abba baritto mali.

Ku migaq kaxxam meqe migaqa.

Yi kutuub makawisina.

c. **Mayballâ weelo:** - kak iyyaanam tu elle tan ikke tascasse weelo.

CL.

Xay-ikkel

TA TOO

Ta buxa yi buxa

xer-ikkel

A WOO

Too buxa yi buxa

d. **Meklâ Weelo:** - kak iyyaanam tuk seefa tascasse weelo.

Kulli num isih yaaxigem abeh.

Away intaanam uli num yabbem hinna.

e. **Esser Weelo:** - kak iyyaanam esser edde aban weelo.

CL. usuk **maa** baaxoh numuuy?

Atu **anni** sarobettaah?

Ah **iiyin** baxaay?

Ahak gubal tan esseroora gitah gacis

1. Weelo kak iyyaanam macaay?
2. Weelo maakina aracal kurruntaah?
3. Aysixxige wayta weelo makina racal kuruntaah?
4. Esser weelok konooy uktub?
5. Haysit weelo akak iyyanam macaay?
6. Esser weelok maqna macaay?
7. Gedê weelo kak iyyanam edde yabtah taniimik maca tascasee weelooy?
8. Meklâ weelok baxxaqsa ab?

8.4.2. Ciggiile

Ciggiile kak yaanam maxcoh addat seeceynah arac raaqissa qangara.

Ceelalloh: Faatuma uxih magexinna. **Is** uxih magexinna. Taway **is** inta qangara kah tanim ciggiilé. Faatuma axcuk edde yabneh sugne migaq **is** akah innem faatumak migaqat yaabekkah ciggiilet xoqoysimak yabanam xiqnah.

Ciggiilé laca qaynatah yan. Tohim: -

1. Numiinoh ciggiilé
2. haysít ciggiilé
3. Mayballâ ciggiilé
4. Fantaaxaw ciggiilé
5. Essér ciggiilé
6. Amixxige waa ciggiilé

1. Numiinoh ciggiilé

Akko			
Abo	Saanih akko	Goloq akko	Abaabis akko
Anu	Yoo	Yo h, k, l, t,	Innih
Atu	Koo	Ko h, k, l, t,	Isih
Usuk	Kaa	Kaa h, t, l, k,	Isih
Is	Teeti/tet	Teeti h, l, k, t	Isih
Nanu	Nee	Ne h, k, l, t	Ninnih
Isin	Siini/sin	Siini h, k, l, t,	Sinnih
Oson	Keeni/ken	Keeni h, k, l, t	Sinnih

Isin tokmen cado **neh** ucuya.

Amah **nanu ken** beyne gita.

Usuk “innih tet lih yaabeyyo”, iyye.

Oson lih yaabeenim **siini**.

Kaal kaltaanamusuk **isih keenil** yecee maalu.

Taa dagal edde yaabak sugnem numiinoh ciggiile maxcoh addat elle gaca inna.

Usuk ossotinah yascassi haysitaak sala maxcooca leh kaadu.

Irol tan qarwalil akah yecesse innah t, k,l,h, affara wara numiinoh ciggiilet akah ossam ciggiileh anuk ascossah edde gacta. Ceelalloh: **KAA**→ **KAAT**→**KAAK**→

KAAH→ KAAL tah inkih **kaa** inta ciggiilek afkan tascasse yascassi wara kinniimih taagah ossitak gexa.

8.4.2.1. Haysít ciggiilé kak iyyaanam: ikoytiinu yascasse ciggiile. Usuk seeceynan maxco kee abnan maxcol baxsa le.

Seeceynán maxcoh addat

Yim	Nim
Kum	Sinim
Kayim	Kenim
Tetim	

Abnán maxcoh adda

Yiimi	Niimi
Kuumu	Siniimi
Kayiimi	Keniimi
Tetiimi	

CL.

seeceynán maxco

Usuk yim yol cine

Nanu kenim mafanna

Atu tetim gabat beelito

Nim heh yeceen

Kum kaah acee lino

Haysít Ciggiilé Sekkac Akkoh gitak kaadu yakkeh. Woo waqdi abaabis Akkok H warah aracat M wara gacta.

Abnán maxco

Usuk yol cinam yiimi

Nanu faxewayna keniimi

Atu gabt beelitom tetiimi

Neh yeceenim niimi

Kaah aceennom kuumu

Seeceynán maxco

Innim (innih)

Inniimi

Isim(isih)

Abnán maxco

Innim(innih)

Sinnim(sinnih)

Isiimi

Inniimi

Sinniimi

Seeceynán Maxco

Anu **innim** beeh.

Nanu **ninnim** beyneh.

Isin sinnim bayisseenih

Is **isim** betteh

Isin bayiseenim sinniimi

Is bettem **isiimi**

Atu cabtem **isiim** Mayballâ ciggiilé

Mayballâ ciggiilé kak iyyaanam xay- ikkel tanim kee xer- ikkel tanim edde yascassen qangara.

Ta qangara ixxima kee nadô koraa korsah faxxam mali

Oson yakkeenim affara qangaray, namma maqna le. Anamma qangara kak xaynaay, namma qangara kak xexxaara. Xayná tascasse namma qangarak tiyá tiyah aracat gactaamah inki maqnatece. Akinamma qangara kaadu tonnah tiya tiyah arac raaqissam duddah.

abnan Maxco

Atu **isim** cabteh gexxe

Inniimi beem.

Ninniimi beynem.

CEELALLOH:

xayi- ikkeh

xer-ikkeh

TAH

WOH

AH

TOH

Maxcot nascasse waqdi.

Ah yi baxa

Tah yi buuku

Woh yi baxa

Tohyi buuku

Edde yaabanamih migaq xagaanam faxe weenik mayballa ciggiilet xoqoysimak IM inta namma warat yascasseenim xiqaanah.

CEELALLOH: - **Ahim Camadah bey.**

Wohim Camadah bey.

Tohim Camadah bey.

Tahim Camadah bey.

2. Fantaaxaw ciggiilé.

Fantaaxaw ciggiile kak iyyaanam: is dudda qangaray inki qangarak xissimta. Toh **Y** waraay is edde kaftam seeceynak ciggiilek Akkoh fooca kinni.

Ceelalloh: -

Numuy yemeeteh suge gexeh.

Gaalay waytime geytimeh iyyen.

Urruy biyaakite yeysch.

3. Essér ciggiile

Essér ciggiilé kak iyyanam: affara qangaray essero abat.

Tohim:

1. Iyyi/a?
2. maca/a?
3. anni /h?
4. iyyiniimi?

Naharsi qangara sahdah dubuk edde xoqoysiman essero.

Seeceynan maxcot

Abnan maxcot

Iyyi kaa baaheeh?

Iyyi kaal tabseeh?

Iyyi kaa qideeh?

Kaa bahtem iyyaay?

Kaal tabissem iyyaay?

Kaa qiddem iyyaay?

Nammeyta duyyeh edde xoqoysiman essero.

CEELALLOH:

Seeceynan maxcot

Abnan maxcot

Atu maca faxxaah?

Atu faxxam macaay?

Gabat maca bahteeh?

Gabat bahtem macaay?

Sidochayto duyyee kee sahdah inkih edde xoqoysiman essero.

Ceelalloh:

Yemeete num annih kaana?

Bahneh iyyen gaali annih kaana?

Fereyhayto maalloh edde xoqoysiman essero.

Ceelalloh:

Abaaxo iyyiniimi?

Amaaqa iyyiniimi?

A saro iyyiniimi?

4. Amixxige waa ciggiile

Amixxige waa ciggiile kak yaanam edde yaabaanamak hunun asmat kee ixuk
mexxat kak aaxige waan waqdi edde xoqoysiman qangara.

Ceelalloh:

Alák **teyná** qibinah axiggilenno.

Woo duyye numuk **teeni** beeka.

Ama marih uluuluka **tuk tu** baahalem abluk suge.

Asaaku namma alfihi **gaba bahta** lakqo yok bayte.

Maaqa hinna **geerim** yoh ucuy.

Amixxige waa ciggiile Abni wadirit kafah yamaate waqdi le. Woo waqdi abnak
amot ossam **NAANIM** deqsitta wadirit kafa.

Ceelalloh:

Fax**innaanim** teetik bet.

Ab**inaanim** kok taamay.

Ak**inaanim** yot meqeh.

Ahak gubal tan esseroorah faxxiima gacsa aba.

1. Ciggiile yabti exxaaxik anket raqtaah?
2. Ciggiile makina aracal kurruumaah?
3. **Amaatinnaaan** num kollih gexele inta qangara ma ciggiilet raqtaah?
4. Numiinoh ciggiilek inki ceallao uybulluy?
5. Esser ciggiileh edde xoqoysiman qangor muggaaqis?
6. Mayballah ciggiilek namma ceelallo uktuba?

8.4.3. Mafdagah amoggacsa

Irol tan mafdagak qiso kinnim baritneeh, qisô baritto nubleeh, qiso yacoonuh faxxintam nubleeh, qiso akah yaceen hadaf kee baaxoh xiqtam kaaduk akak baritneh. Qiso acee weenik baaxo gufa gibdaabina kaaduk akak baritneh.

Kalah kaaduk bartenit ta mafdagak kawsii kinnaanee kee tixxiq baritteh. Kawsa kah aban hadaf kee kawsii baxsaluk barittoh caddol xiqam akak baritteh. Aki katuk kaaduk yabti rakiibok weeloo kee tet qaynootaay, tet ceelaloola inkih nuble. Ciggiile kinnim kee maxcoh addat tet maqna nagay ceelaloot qaddoysak nubleh. Ciggiile qaynootaa kee exxaaxi nubleh.

Qangor caddol kaaduk qusba qangor baxisak maqnisaanam abteenih. Tonna kinnuuk bartenit taqasiirik a kutbeytal roorisne

Qafár afak sagal haytoh footimak barteent kitaaba

Ahaak gubal 8haytô mafdagal xayyowteh tan barittok magid takkem ceddeenih raqteenim sinnik elle kusaqqissan qarwali siinih xayyooweh yanim kinni. kulli makeelissoh ximmok focat yan aracal ceddeenim akak tasmiten ximmo tekkek (✓), asmite wayteenik(?), tonnaah inki katuuk edde rade wayteenik(x) asta haaka qarwali kiba.

Loowo	Makeelissô ximmooma	(✓)	(x)	(?)
1.	Kawsak lafa le tû mabuul kawissi heeh cede.			
2.	Qisô barittoo tet kinnaanee kee ayyunti addal le tuxxiq kak cedam xiqeh.			
3.	Qangor maqnisak nammey haytô maqna akak cedaanam duudeh.			
4.	Yabti rakiibok xayyooweh yan ammuntak maqnaa kee kay taama cedaanam duudeenih			
5.	Ciggiile yabti addat edde tamaate aroocaa tet kinnaane cedeenih.			

SAGALHAYTÔ MAFDAGA

9. Baaxô Kacanu

Barteeni ta mafdaga barteek gamadal:

- Ahak gubal yan qasiirik barteenit agat kacni kinnim barte lon.
- Agat kacani kinnim barittaay, agat elle yakcinen abto akak bartelon.
- Tonnah kaaduk Baaxô Kacanu le marih ceelo akak bartelon.
- Ta qasiiriik lalal barteenit baaxo kacanu akak baahak siini baaxoh yangiicille mara akke lon.
- Baaxo kacanih kinnaane meqennah cedeloonuuh keenil esseren essero gacselon.

9.1. Inikhaytoh exxá: ankacsu

Sin Barseyni qibiiro kee kaybaaxo iyya aamuntal kawsa siinih xayyooysele. Ta ammuntal xayyoowu waah yan kawsa meqennal ankacisseeniik gamadal ahak gubal tan esseroora gacisa!

1. Qibiiro isi baaxoh mannah yan kacanu luk yeneeh?
2. Baaxo kacanu loonum mannal yaybulleeniih?
3. Qibiiro takkuh maca abtam faxxintaah?
4. Baaxo akah yakcineenim macaay?

9.2. Nammey haytoh exxá: kawsa

Ahaak gubal xayyooweh yan kawsa kamuccal kawisa

Baaxô Kacanu



Miici 1.2.1. gaadilé

Baaxo kacanu yaanam inki baaxoh baxi xagarat kaak yanih yan cunsus innah taniimiy ginook xagarat addat isi baaxok kacanu kee baaxa fayxi taybullee kinni. Baaxo kacanu iyyaanam mangoomul baxxaqisnam dudnah immay baxsaluk baxi isi baaxoh gaanuun assakaxxauk akah rammitak isil tan dirkik yawqeemi. Toh yaanam baaxoh caddol takke baaxo baxiini taamoomit inkih gabah assagolla haysitak isi baaxo fayya akah haannah yascubeeh taamita numu yaanama. Tah kaaduk gabah abinah takkeemit gabah agle abak kalbit baaxo kacanu haysitak isi nabsih fayxik muxxi isi baaxoh yascubeeh yaysukume num kinni. Nummah baaxo kanu le num isik naharat isi baaxoh yascubeeh, baaxô taama yaysukume. Gibdih yan baaxo dufah yan caagidih kaxxam yascubeenim kee kalalu abee kee aba mara cate yakkeenim kinni.

Ceelalloh baaxol kaxxa qeebih innah tanim takku, baaxô falmah innah tanim takku, kay baaxok kunnabna xagga haytaamak inkih tet kalaluh naharal yascubeeh, waasa numu baaxo kacanu le akak iyyaanam. Isik tatusak kaalluk tanih tan ummatta edde fayisaah baaxo kacanu yalloonuh ceelaloola takke taamoomi keenih aba numu. Toh dubuk hinnay baaxoh caddol tanih tan madqaa kee edde xinta assakaxxuk elle

taamitaah, isi simbil kee ceelo yassakaxxeeh hanaawisaah, akah rammitak xiina num kinni.

Tahallih kaaduk isi baaxoh xayloh kakanuu kee fayxi yalleemi. Toh yaanam isi baaxoh xaylo yassakaxxeeh, keenik elle yayseemil ken caataah ummattah yascubeeh, cayla malleh innah yan maray erkenna/ ergella leh iyya cataah, keenih rammitah yan numu. Isi baaxoh xaylo umam geytaamak naharat keenih yascubeeh, ken hawwasuusak uma taamoomii kee ken dufa caagidik ken kalala numu.

Baaxô kakanih ceelallo

Coola

Coola iyyeenih duma kaxxam isi baaxo kicna num yene iyyen. Usuk ityoppiyak qafar rakaakayih baxak tene yen. Coola isi agat kee isi baaxo kaxxam kicinuk yen. Agat kee baaxo simbil kaxxam kicinuk yen. Agat simbil obtaah tawqe waqdi missowwa iyyeh meqe weelot solla iyyeh assokoxxa abak yen. Simbil takran waqdi tet elle takran foomah anay abbee kee oobisah hinnaammay feerah able yekkek solla iyyeh foomah amo fayya haak naammey haytoh fooma fanah soolol qambaalak yen.

Coola dubuh simbil assokoxxa hinnay baaxoh tangicille qaskar kaxxam kaaduk assakaxxuk yen. Qaskar yable waqdi salaamatta keenih abak faxxiimma intaamal ken catak yen. Kulliimik naharat qaskar haanam kee ken fayxi yaysukumeenim abak yen. Coolat baaxoh caddol baaxoh akkinnaan taamat gabah agle haysitak yen. Baaxo caagid kulliimik nabah axcuk baaxoh faylaa kee gicloh caagiida kaxxam ankacisaah yassakaxxeeh, elle taamitak yen. Giclo abah yan marittek xaagu abak baaxoh addal takkeh tan gicloolat angaluk yen.

Coola isi baaxoh edde xintaa kee madqa kaxxa dacrisaanam kee elle taamitaanam kaxxam faxak yen. Baaxoh caddol loonuh yanin gaddaa kee madqa dacrisaanam faxxinta axcuk sinam edde walalisaah geysiisak meqem abitto aymagguk yen. Baaxol carbi innah tanim tenek, hinnammay falmah innah tanim tenek isi baaxoh fida yakkuh aakam akkuk yen. Baaxoh caddol yakkeh yan baaxo baxiini dirkik inkih

fooca yakkem faxak yen. Isi fayxii kee isi buxah addah caagidik muxxi baaxoh abaamah lafitak yen. Isi caadigik naharat kulli waqdi baaxoh caagid hayisak yen.

Coola dubuk baaxo kakanu hinnay isi baaxoh xaylo edde kicinuk yen. Mangom baaxo xaylok erkenna/ergella le mara catak ken fayxi kibam kee ken hanaawisam faxak yen.

9.3. Sidochaytoh exxá: kutbe

Ahaak dagal agat kacni/ baaxô kacni maca kinnim kee, mannah tan abtootal weeloysimam xayyooweh yan kawsak baritneh. Ciggiilak kaadu ni baaxoh caddol takku inkih yan baadal baaxô kacnul faylisaanaah, galab kak xagan marittek manoh aydaaduu kee, ken abto kitoobak kawsee kee taaxigeh tan marittek essere akkuk kutbeh xayyooya. Kutbeytá fiirissaanah tanin waqdi solsinoonat elle faxximtannal xoqoysimaanamaay, Qangor doorooy, maxcâ maafô xisnee kee kalah taniimih cubbi yaceenim mahabbaalina.

9.4. Fereyhaytoh exxá: Qangooru

Ahaak gubal xayyooweh yan qangooruh celta maqna acuya.

- | | |
|-----------|------------|
| a. Salaca | d. Aroodu |
| b. Sabara | e. Maqaala |
| c. Kulsa | f. Makala |

- g. Tikya
- h. Suculu
- i. Fido

- j. Sigo
- k. Kura

Ahaak gubal yan qangor kawsa guba haak maqnisa.

Falma: _____

Erkenna: _____

Carbi: _____

Simbil: _____

Hanaawisak: _____

Takran: _____

Fida: _____

Qaskar: _____

Ahaak gubal yan qangooru irol tan kutbeytah addak cubbusak hunun maqnaa kee baxxaqsa acayuk daffes.

- a. Irol tan kutbeytah addat *usuk* inta qangara tascassem macaay?
- b. A kutbeytah addal*Isi* inta qangarak maqna baxxaqis?
- c. **Takran** inta qangara tascassem macaay?

Ahak gubal tan qangooruk **A** aal tanim **B** aal taniimil ramaddoosak daffeesa.

A

B

Fida

Carbi

Assakoxxa

Gabah agle

Madqa	baaxoh aban raba
Caagiida	ittalluk abiti
maqala	rammitiyya
macaxu	Assakoxxa
edde xinta	Carbi

9.5.1. Xakabta xagisa (◌)

Xakabta xagissa (xakabta◌), tet migaq kah yascassannah namma qangara xakbisa afeytissa.

Ceelalloh:

Qangarak baxux	Elle tankuttube gurra	Elle tanxacce gurra
namma aru	namma◌aru	Nammaaru
koonaa amo	koonaa◌amo	Koonaaamo
yi ida	yi◌ida	yiida
yi ina	yi◌ina	Yiina
namma addi	namma◌addi	Nammaddi
malcina addo	malcina◌addo	Malcinaddo
yi abba	Y◌abba	Yabba
yi aLo	Y◌alo	Yaalo
yi olo	y◌olo	Yoolo
ni alá	Na◌ala	Naala
ni absuma	n◌absuma	Nabsuma

Elle baritto

Ahaak gubal tan esseroora gitah gacisa!

1. Xakaba edde gacta qangooruk konooy uktuba?
2. Xakaba edde gactam inki qangara innaa namma qangarah fanaay?
Muggaaqisa?

Ahak gubal yan qangooruk gitah taniimik numma inxicaay, hoxat taniimik diraaba axcuk gacisa.

1. Xakaba namma qangara fixiixissa.
2. Xakaba inki qangarat gactam xiqtah.
3. Xakaba kulli qangoorut gactam faxxinta.
4. Xakaba namma qangaray xongolisiyyal tangaleh fanat baxsah gacta.

Makta xagissa (ä) máka

Makta xagissa (máka), tet migaq elle yascassennal, amot kak gacta yangayyi xongolo makta. Is woo yangayyi luk yen xongolok garab bayissa. Woo raaqa garab aki yangayyiy, geeri qangara kak qimbissat taatuke. Is u kee o warah amot gacta waqdi waâ xongolo ken bahsissa.

Cl: - Kü abba

Kü amo

Kü amo

Kü aboyya

Ahak gubal tan esseroora buxal bicisay baaha

1. Máka akak iyyaanam macaay?
2. Is amot kak gacta xongolok maca tascasseeh?
3. Tet ceelalloomak kitaabal ane sinniimik konooy uktuba?
4. Is amot akak gacta waroori muggaaqis?

9.5.2. Mafdagah Amoggacsa

A mafdagak barteenit baaxô kakanu kinnim barteenih, baaxo kicna marih weeloolaa kee caalat yubleenih. Baaxo yakcineenim le tuxxiq yubleenih.

Baxsaluk baaxô kakanu luksuge marih ceelalloola akak barteenih.

Yabti rakiibok xagisoosak xakabaa kee makah kinnaane barteenih. Xakaba maca kinnim kee maka maca kinnim tiya tiyah ceelalloola edde haak nubleh.

Maka kaaduk ceellalloo kee baxxaqsa luk barteenih.

Qangor maqnisso kaaduk gibbatitte abak mango qangor akak baritneh. Kawsi kinnaanee kee kawsi tuxxiq barteenih.

Ittafan gacissa hayna waqdi a mafdagak baaxô kakanih kinnaanne kee yabti rakiibooy, qangor maqnissoo kee kawsi tuxxiq akak barten.

Qafár afak sagal haytoh footimak bartenit kitaaba

Ahaak gubal 9haytô mafdagal xayyowteh tan barittok magid takkem ceddeenih raqteenim sinnik elle kusaqissan qarwali siinih xayyoowe. Kulli makeelissoh ximmok foocat yan aracal ceddeenim akak tasmiten ximmo tekkek(√), asmite wayteenik(x), tonnaah inki katuuk edde rade wayteenik(?) asta haaka qarwali kiba.

Loowo	Makeelissô ximmooma	(√)	(x)	(?)
1.	Kawsak lafa le tû mabuul kawissi heeh cedeh.			
2.	Baaxo kakanu maca kinnim kee maca akak cedeenihi?			
3.	Qangor maqnisak nammey haytô maqna akak cedaanam duudeh.			
4.	Yabti rakiibok xayyooweh yan ammontak maqnaa kee kay taama cedaanam duudeenih			
5.	Xaiissoosa yabti addat edde yamaate arooca cedeenihi.			

TABANHAYTÔ MAFDAGA

10. Qadrortí Celsiisenta

Hayyeyyoona

Barteynit ta mafdagú baritteeniik gamadal:

- Hayyayyoona maca kinnim cedetton.
- Hayyayyoona elle gabbaaqan migda bartetton.
- Footimah addal hayyayyoonâ gabbaaqu xayyoosaanam abetton.
- Kawsay abtenh iyyak lafa le qangor maqnisaanam abetton.
- Fakut tan foxooxa kibak maxcooca duudusaanam aaxigetton.
- Qangortiinook magga fan elle korsan migda cedetton.

10.1. Inikhaytoh exxá: Ankacsu

B. sin kabir siinih xayyoosuwaahy an `` cusencayye`` iyyakiryatik amakkaquk ciggilta esseroora gacisa.

- 1. Cusen cayye mannah yan numuuy?**
- 2. Kay manoh abakraagak maca baritteeniik?**
- 3. Cusen cayye hinnah tan abto le marak sin dariifal maca taniik?**
Yeneenik isi wadaayah gabbaq?

Hayyayyoona kak yaanam numma akkewaa woh tekkellê xaaguy, kalbi kacanak amakkaquk gabbaaqaanah iyya. Afrikah qaran gubal tan ummattooti hayyayyoonâ xaaguy urrut tabissa hiyyak mangom le. Qafar afrikah gaysal geytimta agatak/agattinoonak tiyak teyna kinnuk hayyayyoonay urruh gabbaqtak kibu le. Wohiimik tiyak teyna a ciggiltam teeti.

Lubaakaay, Yangulaa kee wakrik gabbaaqaanama....

Lubaakaay, yangulaa kee, wakri admoh sittâluk gexxe iyyen. Elle gexen rikel, tiyutu-keenik geeh qide iyyen. Lubak alá gee. Yanguli saga gee. Wakri ida gee iyyen.

Geenim inki caxah gubah orbissi heen waqdi, taway mannal meklinnaah? Sittak yexceenî yen. Too essero lubak heewaqdi, anu daacoh gexeh adaaruwaa yexcê yen wakri. Woysa yangulaw mannal mekellaah hay? Yexcê yen lubak.

Tiiy isih geem nek beetaamak sah, meklah maca edde naffareeh, yexcê yen yanguli. Woo waqdi lubak kaal kaqteeh, nammâkel kaakurê yan.

Wakriy daacoh elle gexê kek wohim allaak assalaalaquk sugeh iyya yuduureh iyyan. Elle yuduurê kel wakrow a saqih meklá mannal abnaah? Yexcêyan lubak.

Alá kok qeerâ kalooy, Sagá kok afxagooy, Idá kok miidi kalô kalah, maa meklá faxximtaah, yexcê yan wakri.

Atu maca akmettooh? Kaak yexcê yen, lubak? Kaafak raddem yooxiqelê kalah riikeek inni maglabah waammayyu, yexcê yan wakri.

Tokkel wakrow, atu a kas ankek geyteeh? Kaak yexcê yan lubak.

Kasak inni buxah edde orbah gide, dumaak luk sugê may yayse kas yaqam yanguli moyyal gee, yexcê yan wakri.

10.2. Nammayhaytoh exxá: kawsa

Ahaak gubal xayyowteh tan esseroora kawsak ugut abak “yeey” axcek, “maley” axce akkuk gacisa.

1. Wakri sagá gee.
2. Lubak alá gee.
3. Yanguli idá gee
4. Wakri, Lubak bagul faxam aaxige wannay yanguli geem kaa gee raarte.
5. Wakri kaxxa kas kee, cubbi le ala.
6. Yanguli maaqok wadir cedam mali.
7. Lubak caylaa kee agiirannu inkih le.

Kawsak ugut abak ciggiltah tan esseroora kutbeh gacisa.

1. Sittâ lih safartem ma Alluwwaay?
2. Admoh elle gexen ikkel kullitii maca keenik geeh?
3. Yanguli mannal kurunnay iyeeh?
4. Wakri maca iyeeh?
5. Wakrî kasak ugutak lubak maca iyeeh?
6. Wakri maca ceelaah? Magid yakke alaay?
7. Yanguli maca ceelaah? Magid yakke alaay?
8. Lubak maca ceelaah? Magid yakke Alaay?

10.3 Sidochaytoh exxá: Qangooru

Qangooru

Tiinó

Lubaaka

Yangula

Wakri

Ida

Afxagó

Moyya

Maggá

Lubooka

yangulwa

Wakarwa

Illi

Afxagooga

Moyyaayi

Ahaak gubal xayyooweh yan qangor tiinook maggá fan korisa.

Qangooru

Tiinó

Awka

Maggá

sagá

Rakuubu	_____
Caxá	_____
Xaa	_____
Numu	_____
Barró	_____
Caxxa	_____
Gaba	_____
Iba	_____
Lafá	_____
Ayti	_____
Inti	_____
Ala	

10.3.Fereyhaytoh exxá: Yaaba

1. Sin barseeni siinih elle yascassu waa gurral buttá buttah kurruumak hayyayyoona siitah gabbaaqa.
2. Buttah abten walalaak gamadal kulli buttah awlayti isi butta elle walaltem footimah addal barteysiitih xayyoosay.

Kawsak ugut abak fakimit tan foxooxa kiba

1. Lubak gee
2. Yanguli Gee

3. Wakri gee
4. Lubak akah iyyannal iyye.
5. Yanguli `` numuuy..... beetaamaksah`` iyye.
6. Yangula Qide
7. Wakri yisillimeh

10.5. Konoyhaytoh exxa: Yabtí rakiibo

Yasgalli

Yasgalli kak yaanam qangor kee maxcooca tasgalle qangara. Qafar afal qaadâ yasgalli kaxxam mamangô may abnaay, abnigurraay, yascassik maxcooca esgelli haa qangor inkih kaah orba.

Qaadâ yasgalli

Kee, innaa, ikkal, immay, akkiyy ...aay ...eey. Iiy ...ooy ...uuy

Tama qangor inkih qangor yasgallen waqdi keenit xoqoysimaanamih taagah yasgalli deqsitan.

Ceelalloh: -

Macammad **kee** Faatuma temeete.

A saro bahtem yoo **innaa** kooy?

Woh intem kaa **ikkal** koo hinna.

Wonna kinnih **immay** gubat tutan.

Woh sidoc **akkiyy**, fereey **akki** takke.

Faatuma**ay**, Qiise**ey**, Qali**iy**, Qalo**oy**, Qeedu**uy**, inkih rabe mara asaaku.

yasgallih orba qangor

(**Beytu beytu, yeneek, uxih**) tah yagallih orba qangooru.

Ahak gubal tan esseroorah baxxaqsa ucuya

1. Yasgalli qangor Qafar afal muggaqisa?
2. Yasgalli edde yaamaate qangooruk sidoc uktub?
3. Yasgallih orba qangor rooris?

Cakkumu (!)

Cakkumu kak yaanam tekkeemit yaaban waqdi assakat akki assacakkiyya akkih afak radda qangara.

Ceelalloh: -

Caysa! Anu magexa keenil.

Kekke! usuk edde xayyoowan num hinna.

Ces! Ah macah yoh bahteemi.

Woyyoow! Amah kinnim aaxagittoy.

Yascassi

Qafár afat yascassi akak iyyaanam tu elle tan rikeey, elle tan innaa kee kah tanim tascasse qangara. Yascassi inki qangara dubuk hinnay, nammâ sidiica qangarak xissiiimi waqdi leh. Tohuuy ahaak gubal ablenno.

Wohih sabbatah

Wohuk gexak

Ahak ugutak

Ceelalloh: -

Ama cado **wohik sabbatah** cabe.

Wohuk gexak mango yab yabne.

Ahah tugactek sarrah kaat maqagitna.

Yascassi caalat seeceynâ waqdih innah, akkô caalatat yan ciggiilek ginniima. Toh, Akkô caalatat yan waqdi, ciggiilek amot gaci seeceeyna gaci yakke. Toowak yascassi affara wara ahaak gubal elle tamaatê nal kataata.

Yoo

Yooh/ Yook/ Yool/ Yoot

Koo

Kaa

Teeti

Nee

Siini

Keeni

Yascaasi caalat seeceynaa kee ciggiilek inkih, a ciggilta maxcoocak nagay ismit!

Seeceynâ luk

Woo kalam Macammada**h** acuy!

Woo kalam Macammada**k** bah!

Woo taama Macammada**l** cab!

Woo yab kaat ma cabin!

Ciggiilê luk

Woo kalam kaah**h** acuy!

Woo Kalam kaak**k** bah!

Woo taama Kaal**l** cab!

Woo yab kaat ma cabin!

Qafár afak sagal haytoh footimak barteenit kitaaba

Ahaak gubal 10haytô mafdagal xayyowteh tan barittok magid takkem ceddeenih raqteenim sinnik elle kusaaqissan qarwali siinih xayyooweh yanim kinni. kulli makeelissoh ximmok foocat yan aracal ceddeenim akak tasmiten ximmo tekkek (√), asmite wayteenik(?), tonnaah inki katuuk edde rade wayteenik(x) asta haaka qarwali kiba.

Loowo	Makeelissô ximmooma	(√)	(x)	(?)
1.	Kawsak lafa le tû mabul kawissi hayteenih ceddeenii?			
2.	Hayyeyyoonaa kee tet kinnaane ceddeenii?			
3.	Qangor maqnisak nammeyhaytô maqna akak ceddaanam duddeenii?			
4.	Yabti rakiibok xayyooweh yan ammontak maqnaa kee kay taama cedaanam duudeenii?			
5.	Yascassi yabti addat edde yamaate arooca ceddeenii?			